


石城縣志

光緒十四
年重修

ル 5
1313
3





門凡呂
號 63/3
卷 3

石城縣志卷之三

江家桂分纂

建置志

城池

石城縣舊在高峯鋪東黃村元天厯元年縣尹黃昱遷今

治尚無城池明洪武二年縣丞倪望始築土垣週二百

五十二丈參喻志正統四年舊志作宣德四年為廣西流賊攻陷

五年縣丞夏仲謙請易以磚石府通判馬文饒督其役

周圍五百三十五丈府志作五百二十七丈誤高二丈一尺厚半之

闕門三東曰望恩西曰鎮夷南曰威武北無門門上建

大樓四隅置角樓北近岡阜處東西各加鼓樓城上環

置窩鋪七南四東西北各一中軍窩鋪一在城北台嶺

中守以搖兵案國朝乾隆八年裁搖兵廢蘇洲



內外岡不臣服故華夷一統凡有血氣者莫不尊親焉
雖遐陬僻壤窮邊極遠亦必防微杜漸設立衛所以守
鎮之所以然者不過撫育黎元期四方無虞俾之各安
其業咸遂其生也高涼郡屬石城曩歲被獠獠出沒
為生民患千戶所全以故上封事請立城池以守禦議調
雷州衛後千戶則委雷軍使鳳陽王公總督其事大藩
肇基之日郡司馬公同任其勞二公勤謹朝夕不遑
則委高涼郡通守馬公同任其勞二公勤謹朝夕不遑
甯處議遠邇略基址稱畚築量功命日以稽勤怠矧土
木之功浩繁且難譬猶為山萬丈無一簣之虧掘井九
仞有及泉之效且周圍五百三十五丈越三載合設衙
門煥然一新落成之日厥功已就僉曰城池之設非細
務也宜立碑以貽後人庶知造城有自來矣徵予言以
記之子案高涼郡誌石城縣屬化州去治一百一十里
以邑名言之其地多石四面岡阜旋繞如城故名其邑
故址先在江頭鋪梁廢縣入羅州宋紹興間復置縣元
皇慶間遷縣於高峯鋪東黃村天歷間又遷於新和驛
東即今縣治也洪武戊申土人羅福率眾歸附一屬化
州本縣仍舊焉古無城洪武二年縣丞倪望督工修築
土垣周圍二百五十二丈廢壞已久舊址尚存其所轄
四鄉路當衝要北通於廣西南達於交趾瓊廉重譯無
虛日逢迎有餘勞雖周圍四百餘里民稀而地廣也論
其形勢則雙澗曲折繞於外重岡盤旋擁其後層巒疊
嶂揖於左崎嶇峽山鎮其右此山川之凝結而縣治之

所以立也茲其城郭之完固三門之壯麗人物之往來
軍旅之保障金鼓之聲聞於石屋旌旗之影耀於望恩
形勢之壯觀且甲於他邦又非往日之比者然而百役
之勞雖一時厭煩其生民之樂業家室之相慶實保安
於悠久也歲當壬戌六月吉嘉靖閒添窩鋪一隆慶六
年寇焚城圯知縣韋俊民修復增高三尺萬曆三十三
年又於原增處環為陽橋復高女牆三尺梁子七百一
十有八添南北鼓樓各二張志崇禎十三年知縣陳濟增
修三門甕城時倉卒完工遇大風雨三門盡圯里甲苦
於修葺凡十餘載乃定陳濟亦因是落職 國朝順
治十三年增高一尺五寸易以平頭為堞子六百零三
又建二大銃臺於東北隅西北隅康熙二十四年知縣
白玠以二銃臺不利風水詳准毀拆以其磚砌學宮照
牆並縣衙城上角樓鼓樓窩鋪等制今廢乾隆四十年

知縣喻寶忠重修城池人工浩繁因計城堞週圍若干丈畫為十一分分派縣中十一都里甲取夫為之其後繕修遂依舊例視某都中所捐築壞處各加葺治惟城大樓則均各鄉之力嘉慶二十年知縣張廷幹修補西北南三面崩缺處踰年旋圯參張志道光十四年知縣林星章會同教諭韓煥彝合紳士籌捐經費重修於十二月初十日興工十五年十二月十三日工竣延袤五百七十三丈九尺高厚如舊制城樓三座敵樓十二座窩鋪十四座一律完整復留盈餘銀壹千兩發當生息為後修補之資三十年知縣陳開沅因盜警重修窩鋪增高女牆三城門敵樓各數尺添設礮臺十四座從此崇墉屹然苞桑永固矣採訪邑訓導邱光鏞碑記邑之有城自洪武二年縣倅倪公望始

厥後易以磚石或拓基或增版作堵濬濠志不絕書道道光甲午前邑宰古畚林公倡捐修築事竣復捐廉千兩分當生息為善後計者至周且備歲已酉芷湘陳邑侯來官斯土勤政愛民適鄰封有盜警亟舉團練置器械以固疆圉仍慮雉堞之未盡善也集同寅商諸紳士議詳上憲即取林公發當子銀鳩工庀材女牆六百有餘并三城門敵樓俱增高數尺修各窩鋪添設礮臺十四座城門易堅厚之木為之蒙以厚鐵三閱月而崇墉屹屹鞏固金湯寇聞風遠避四境慶安堵焉從此有備無患戶蓋絃歌陳侯之功不與林公後先輝映也哉是役也董其事者則前任海康學教諭全君志沂前雷州府學訓導江君熙和襄理者則城守軍功千戶周公裕寶而分勞監工則候補詹事府主簿江君瑞和貢生全元愷增生吳資秀監生張琦武生葉廷彰時參未議捐錢二百千以助工料者則余也是為記

城濠深數尺廣一丈闕城以通縣中之水為水關三東偏水由東門水關注濠東北之水由賓興前八硯池出古羅州至聚英坊會縣署右所前水分為二一折而東由典史署右南趨龍家塘出南門水關注濠一折而西遠

都司署前南滙於薤菜塘又西北之水一自學前一自

西嶽廟俱導而南共會鄒家塘二塘并出西南水關注

濠惟北跨嶺無濠舊有土牆環之濠塹浚鑿正統年無考國

朝順治十五府志作十三年開深一丈五尺廣二丈五尺併

鑿後嶺時奉文增修平頭城總兵官栗養志移鎮本邑

詳請鑿池并鑿通後嶺血水湧出而止乾隆四十年知

縣喻寶忠允士民請始將北濠填塞張志光緒元年知縣

李健鵬合紳士修濬東門濠至南門濠止櫬冊

案縣城北東西三面跨台山有半地脈自建嶺綿亘而

來北闕其門並闕其池亦因其形勢恐傷地脈耳順治

時鑿於前明正統間為西賊所破隆慶時為倭奴所陷

崇禎戊寅又為白梅賊所傷濬城隍鑿池北嶺相傳傷

殘地脈知縣王訓典史吳斌相繼而卒或亦形家所忌

矣後百餘年人文不興議者咸歸咎之乾隆乙未秋邑

侯喻寶忠蒞任士民即以填塞此池請爰召工畚土填

之即所傳修復龍頸是也今閱數十年車馬絡繹又復

蹂踐成坑培補而修復之是在官斯土者肩其任焉張志

公署養濟院附

萬壽宮在 文廟照牆之左張志

知縣署舊在黃村元天厯中遷今治坐三台嶺正中明洪

武二年縣丞倪望復建正統五年縣丞夏仲謙成化間

知縣陳綱正德間知縣楊維甫嘉靖間知縣楊浩劉整

鄒伯貞萬厯間知縣謝璿 國朝乾隆初知縣王灝

厯次重修三十八年頭門譙樓毀於颶風四十一年土

民捐資建頭門卑小不稱體式門外兩旁店鋪偏塞中間路不盈丈舊時東有旌善亭西有申明亭基址俱被侵佔知縣喻寶忠逐一清查各鋪因遞年輸納地租日久遂漸越佔乃計各佔造鋪屋工料倍給其值令自拆改復減其地租還出所佔地寬四丈長六丈有餘四十二年知縣喻寶忠建堂東旁花廳重修川堂匾曰敬事堂及四堂東側之知稼堂匾曰聽松亭四十六年冬知縣喻寶忠修造屏牆頭門儀門內外甬道易舊規模今制上一進為三堂舊東側有聽松亭久廢中一進為敬簡堂即川堂堂東旁為東花廳堂西旁為西花廳川堂之下中為拱棚直接宅門門之左右各有門房宅門之外為親民堂即大堂堂東為庫房前中為露臺為甬道東側為號

房正東為吏戶禮三房西側為承發架閣二房正西為兵刑工三房前為儀門東旁為福德祠西為監獄中為甬道又前為頭門外為屏牆牆之外為橫街參張志教諭署舊在學宮內康熙三十八年改建頓宮東旁府志乾隆四十四年邑人士為教諭陸文焉重修頭門三間左為學科右為門房大堂三間二堂三間東西廊二間又東偏書房二間外有屏牆直至節孝祠俱是學地參張志訓導署在明倫堂後舊大堂二進相連逼隘東隅為荒地乾隆三十四年邑人士為訓導黃紹統捐修今大堂三間堂下耳房二間二堂三間東偏書房上下六間後厨房一間另後圍一所明倫堂前為甬道儀門三間左為學科右為門房頭門一間外有屏牆

典史署舊在縣署內解東房康熙二十七年知縣韓鏐買武生黃衷屋作倉廩三十九年改為典史署距縣治屏牆直街三十餘步乾隆四十四年典史岳秉中重修頭門三間儀門三間大堂三間二堂三間東西廊各一間三堂三間廚房一間

零綠巡檢司署原在城西南零綠地方後遷成四都石嶺墟距城西五十里

石城營都司署舊名所在縣口四十餘步後改建在聚英坊西南三十餘步乾隆四十四年都司孟明遠重修東西轅門二間左右鼓房二間頭門三間東偏字識房六間大堂三間堂下東西耳房二間西花廳一間二堂三間三堂三間東廊二間又西側箭道一所

案署原設守備乾隆初改都司

把總署在城隍巷北通十字街口距都司轅門西二十餘步俱同上

養濟院在東關外萬歷二十年知縣謝璿建收養孤老每名月給米三升冬夏給衣帛銀夏一錢二分冬一錢八分張志同治十二年知縣奎成捐錢二百千光緒四年加捐銀三百兩合交磐石當生息添設額外口糧楷冊

壇廟祀典儀注附

社稷壇在南門外較場西黃府志周圍牆垣壇以磚砌每歲春秋仲月上戊日致祭祭品銀十八兩五錢八分三釐在丁祭項內扣出作五祭匀支凡祭設主於壇硃漆書曰縣社神縣稷神位前各帛一黑劔二簠簋各二籩四

豆四爵三共羊一豕一尊一祭日雞初鳴承祭官以下
 各朝服齊集黎明贊引禮生二人引承祭官詣盥洗所
 盥洗通贊禮生贊執事者各司其事以下自迎神至贊
 引禮生贊就位引承祭官至階前拜位立引班禮生二
 人分引陪祭官文武西各就拜位序立乃迎神贊引
 贊升壇引承祭官升壇詣香案前司香跪奉香贊引贊
 上香承祭官三上香贊復位引承祭官降復位贊跪叩
 興以下行禮承祭官行三跪九叩禮陪祭各官皆隨行
 禮奠帛初獻爵司帛奉篚進跪奠篚司爵奉爵進獻爵
 奠正中皆退司祝禮生至祝案前跪承祭官暨陪祭官
 皆跪司祝讀祝畢詣祝位前跪安祝於案三叩興退承
 祭官暨陪祭各官行三叩禮亞獻爵奠於左終獻爵奠

於右儀均如初獻迺徹饌送神承祭官行三跪九叩禮
 陪祭各官皆隨行禮司祝奉祝司帛奉帛恭送瘞所承
 祭官轉立拜位西旁東面候祝帛過復位引至望瘞位
 望瘞贊引告禮成引退眾皆退參
禮部則例阮通
志張志楷冊
大清會典續纂
大清通禮
欽定

祝文

維某年月日某官某致祭於

社

稷之神曰惟 神奠安九土粒食萬邦分五色以表封圻
 育三農而蕃稼穡恭承守土肅展明禋時屆仲春敬修
 祀典庶九九松栢鞏磐石於無疆翼翼黍苗佐神倉於
 不匱尙饗續纂
通禮

案會典社稷壇為大祀

風雲雷雨山川壇在南門外較場東黃府志周圍墻垣壇以

磚砌每歲以春秋二仲上巳日合祭經費在社稷內經

費勻支壇中設雲雨風雷之位左設本境山川之位右

設本境城隍之位中帛四左帛二右帛一白尊一爵二

十有一陳設禮儀與社稷壇同參會典續纂通禮禮部則例阮通志張志

祝文

維某年月日某官某致祭於

雲雨風雷

山川

城隍之神曰惟 神贊襄天澤福祐蒼黎佐靈化以流行

生成永賴乘氣機而鼓盪溫肅攸宜磅礴高深長保安

貞之吉憑依鞏固實資捍禦之功幸民俗之殷盈仰神

明之庇護恭修歲祀正值良辰敬潔豆籩祇陳牲幣尙

饗續纂通禮

案會典神祇壇為中祀

先農壇在東門城外建廟一座三開舊志每歲仲春亥日致

祭藉田四畝九分歲入穀十七石五斗詳見經政屆期紅牌

金字填寫先農神牌於壇承祭官率所屬俱於前期致

齋二日祭日各官朝服一切禮儀陳設供品悉照社稷

壇之例經費在藉田穀價內動支祭壇畢各官俱換蟒

袍不穿補服詣藉田行耕藉禮知縣秉耒佐貳執青箱

播種耆老率農夫披蓑戴笠蒞於田間耕藉時農具用

赤牛色黑箱色青耒種惟土所宜耆老一人牽牛農夫

二人扶犁農童六名唱歌知縣照九卿之例九推九返
畢釋鞭耒以次序立田首西北面上農夫終畝告畢事
各官補服望闕立通贊贊齊班引班分引知縣以下
至香案前按班序立行北面耆老農夫稍遠列行北面
隨立贊行三跪九叩首禮興各退參會典續纂通禮阮通志賦役全書檔册

祝文

維某年月日某官某致祭於

先農之神曰惟神肇興稼穡粒我烝民頌思文之德克

配彼天念率育之功陳常時夏茲當東作咸服先疇

洪惟

九五之尊歲舉三推之典恭膺守土敢忘勤勞謹奉彝章聿

修祀事惟願五風十雨嘉祥恆沐神庥庶幾九穗雙

歧上瑞頻書大有尙饗續纂通禮

耕藉歌

聖朝鉅典念農祥吉亥修儀遍遠方開府奉行王制美共知
天子重農桑
肅肅青壇翠幕張東風萬里布春陽海疆共愜深耕願
早進先農一炷香
悠揚鼓吹出東方父老謹呼擁道旁乍見青紘躬耒耜
預占綠野富倉箱
獵獵青旗繞綠楊珠纓寶馬自成行手攜嘉種從容布
還似神仙跨五羊
短笠青蓑映曉光千夫齊向九推旁一尊勞酒同沾被
遙浥天田雨露香
杏花菖葉漫匆忙海上班春別有方時雨一犁春社後
木棉花赤菜花黃
朝來春水漲橫塘榕樹村中短犢忙趁取炎方禾再熟
新茶未出早分秧
海濱生計重開荒儘把勤勞格上蒼遍鑿蘆州成沃
土漲沙隨處湧村庄
勸農恩禮倍尋常乍見郊原歲歲穰南陌東阡催社鼓
羔羊朋酒頌無疆

聖神天子重農桑丹鳳街書到海疆擁節大臣宣德意藉田

開處麗春陽六合清靈時雨陽華星常正驗農桑碧畦繡甸青郊暖

勤勸春耕答九閭先農壇畔集鸞鳳擇吉占風禮數詳北望天田陳

御耦青旗高拂五雲光青原小隊肅分行綠護山前草木芳翻起一犁香土軟

田歌傳入水雲鄉成羣蓑笠盡村庄布穀聲中曉氣涼看罷九推歸去早

好乘新雨插新秧課晴開雨莫嫌忙補座方披七月章要使耕夫齊舉

趾并教飽婦競提筐瀕海潮生滿碧塘溉田早卜歲豐穰水車秧馬時收拾

容易嘉禾壓隴長和風甘雨潤炎方紫荔紅蕉六月香瑞穀生成多九穗

先春玉粒貢神倉逢年爭祝滿倉箱萬寶成時好築場飽喫田中新熟稻

大家擊壤咏陶唐

迎春儀注附

通禮直省迎春之禮先立春日知縣於東郊造勾芒神

土牛春在十二月望後勾芒神執策當牛肩在正月

朔後當牛腹在正月望後當牛膝示民農事早晚屆立

春日吏設案於勾芒神春牛前陳香燭果酒之屬案

前布拜席通贊執事者於席左右立知縣官率在城文

官及丞史以下朝服畢詣東郊立春時至通贊贊行禮

正官一人在前餘官以序列行就拜位贊跪叩興眾行

一跪三叩禮執事者舉壺爵跪於正官之左正官受爵

酌酒酬酒三授爵於執事者復行三叩禮眾隨行禮興

各列綵仗正官擊鼓者三環鞭土牛者三乃昇勾芒

神土牛鼓樂前導各官後從迎入城置於公所各退

在地丁內與祈晴禱雨救護日月支用共銀五兩

零三分參續纂通禮禮部則例賦役全書檔冊

案會典先農壇為中祀

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

文昌廟原在西墟舊射圃地康熙三十五年知縣劉文煥

移於西墟尾乾隆二十八年知縣蔣耀宗四十一年知

縣喻寶忠先後重修同治六年知縣張兆庚伊紹鑑遷

建於城內東台下喻志所載劉慶送入田租叁拾石土名那樓等垌今無可考尙存冷水坑

租一十二石支廟祝香燈之費另邑紳士送入新村田租一十六石歸儒學遞年認期辦祭 參張志採訪冊

每歲春秋仲月諏吉二月初三認期致祭例支銀四十

兩地丁項下動支祭品儀注與 關帝同大清通禮

春秋二祭祝文

維某年月日某官某致祭於

文昌帝君曰惟

神道闡苞符性敦孝友並行並育德侔

天地以同流乃聖乃神教炳日星而大顯仰鑒觀之有

赫示明德之惟馨茲當仲春用昭特享惟祈歆格克鑒

精虔頌部

二月初三告祭祝文

惟 神功參橐籥撰合乾坤溯誕降之靈辰三台紀瑞

度中和之令節九宇承暉若日月之有光明闡大文於

孝友如天地無不覆載感至治於馨香爰舉上儀敬陳

芳薦精禋罔斁 神鑒式臨尙饗同上

後殿神位南嚮

嘉慶六年太常寺奏准 文昌三代姓名查無確據未便請加封號謹擬增製神牌

後殿祝文

維某年月日某官某致祭於 文昌帝君之 前代曰

祭引先河之義禮崇報本之思矧夫世德彌光延賞斯

及祥鍾累代炯列宿之精靈化被千秋爲文人之主宰

是尊後殿用答前庥茲值仲春肅將時事用申告潔

神其格歆尚饗

清通禮大

後殿二月初三祭告祝文

惟神道備中和神超亭毒稟貽謀而允紹欽毓聖之
有基雲漢昭回際嶽降崧生之會馨香感格興水源木
本之思式肇明禮用光彝典尚祈神鑒享此清芬尚

饗頌部

謹案

文昌帝君主持文運福國佑民靈蹟最著嘉

慶六年奉

旨賜春秋祭列為羣祀咸豐七年升入

中祀樂用六成文舞六佾尊敬之典與關帝同

關帝廟在城東北隅髦車嶺下明萬曆四十四年知縣俱

夢騶重建

國朝順治十五年總兵江元勳參將蘇昇

同各官重修康熙三十四年知縣韓鏐五十年知縣孫

繩祖先後重修雍正三年增建後殿道光四年知縣李

憬添建拜亭

明邑舉人黎民鐸送租一百五十石康熙十九年張汪虞送豐一都三甲梁陳歐戶

米九斗正又甯十一都一甲伍一美戶米四斗八廟每歲春秋仲月諏吉

及五月十三日誕期順治元年定致祭經費銀四十兩地丁

項下動支祭品陳設禮神制帛一白磁爵三牛一羊

一豕一登一劔二簋籩各二籩豆各十果品五酒一罇

祭日贊引官引承祭官進左旁門至盥洗所贊盥洗承

祭官盥洗畢引至殿內行禮處立典儀官唱樂舞生就

位執事官各司其事贊引官贊就位承祭官就位立典

儀唱迎神司香官捧香盒跪於鑪左唱樂官唱迎神樂

作贊引官引承祭官至鑪前立贊上香司香跪奉香承

祭官上炷香凡三上瓣香畢贊引官贊復位承祭官復

位立贊引官贊跪叩興承祭官行三跪九叩首禮興樂止典儀官唱奠帛爵行初獻禮唱樂官唱初獻樂作捧帛官跪獻於案三叩退執爵官立獻爵於案正中退讀祝官至祝案前一跪三叩興捧祝文立樂暫止贊引官贊跪承祭官讀祝官俱跪典儀官唱讀祝祝官讀畢捧至案前跪安於帛匣上三叩頭退樂復作贊引官贊叩興承祭官行三叩頭禮興樂止典儀官唱行亞獻禮唱樂官唱亞獻樂作執爵官奉爵立獻於爵墊左退典儀官唱行終獻禮唱樂官唱終獻樂作執爵官奉爵立獻於爵墊右退樂止典儀官唱徹饌唱樂官唱徹饌樂作樂止典儀官唱送神樂作贊引官贊跪叩興承祭官行三跪九叩頭禮興樂止典儀官唱捧

祝帛香恭送燎位捧祝帛官至神位前一跪三叩頭捧祝帛起司香官跪捧叩不依次送往燎鑪承祭官避立西旁俟祝帛過仍復位立樂作贊引官贊詣望燎位承祭官至燎所祝帛焚半贊引官贊禮畢各退參會典續纂通禮禮部則

例阮通志舊志檔冊

春秋二祭祀文

維某年月日某官某致祭於

忠義神武靈佑仁勇威顯護國保民精誠綏靖翊贊宣德關聖帝君神位前曰惟神星日英靈乾坤正氣允文允武紹聖學於千秋至大至剛顯神威於六合仰聲靈之赫濯崇典禮於馨香茲當仲春用昭時饗惟祈昭格克鑒精虔尙饗頌

五月十三日告祭祝文

惟神九宇承庥兩儀合撰崧生嶽降湖誕聖之靈辰日午天中屆恢台之合序聰明正直一者也千秋徵肸蠲之隆盛德大業至矣哉六幕肅馨香之薦爰循懋典式展明禋苾芬時陳精誠 鑒格尙饗同上

後殿三代乾隆三年追封公爵咸豐三年加封王爵其牲醴籩豆簠簋一切祭品均與文廟崇聖祠同祭祀經費在正祭項內

後殿祝文

維某年月日某官某致祭於 關帝之

曾祖光昭王

祖裕昌王

父成忠王曰惟 王世澤尊庥令儀裕後靈鍾河嶽篤生

神武之英誠湖淵源宜切尊崇之報班爵超躬桓而上

升香肅俎豆之陳茲當仲春秋爰修祀事尙祈昭鑒式此

苾芬頌部

五月十三日告祭祝文

惟 王迪德承家累仁昌後崧生嶽降識鍾毓之有基木本水源宜推恩之及遠封爵特超於五等馨香永薦於千秋際仲夏之屆時命禮官而將事惟祈昭格鑒此精虔尙饗同上

謹案 關帝聖蹟丕著威靈赫濯 國朝以來列為

羣祀咸豐三年 詔陞中祀樂用六成舞用八佾七

年 御書萬世人極匾頒懸廟中屢加封號所以尊

崇者至矣

城隍廟原在城南西旁康熙三十九年知縣劉文煥卜遷

東台右光緒十一年知縣郭樹榕重修並新大殿東西

十王殿神像遞年官納廟虛糧米五石九斗六升五合

八斗住僧原納廟米二石八斗六升又同

治七年國學生鄒偉暉送田租五十六石征米一石零

九升六合光緒年許上標送田租四石征米二斗五升

住僧現納廟米共四石一斗零六勺通

共收租一百零五石 參張志採訪明洪武三年詔

封天下省府州縣城隍之神前奉木主後塑神像每歲

清明七月望十月朔致祭 國朝因之凡遇祈晴齋戒

禁止屠宰各官懸齋戒牌在城隍廟設香案香蠟拜用

紅氈僧道各一班開壇誦經禮生四名鼓吹一班各官

衣素服步行至廟禮生引至拜位贊行一跪三叩禮宣

疏文畢再行一跪三叩頭禮焚疏文再揖贊禮畢俟天

色晴明酬神又禱雨儀禮與祈晴同惟禱雨則注水盈

缸內插柳枝拜用草蓆俟雨水霑足參阮通志酬神孫繩祖禱雨

文竊照禮樂政刑有司所以奉 天子之命風雲雷

雨神明所以宣上帝之恩本縣才無寸長職膺百里催

撫鮮術惟民瘼之是求解推何能祇農事之在念方意

三時不害室家盡慶盈甯豈期一春告終霖霖未詠優

渥此實吏咎難追敢云神力未敷但愧陽職之無能全

仗陰靈之多助為此合牒本縣城隍之神共切生民之

憂大賜回天之力濃雲四合翻溟渤以為霖驕陽頓頓藏

施雷雨而作解荷蓑荷笠婦子盡力於東南載育載生

豐稔歡歌乎遐邇務無虞

乎饑饉庶盡職於幽明

案會典城隍廟為羣祀又案阮通志禱雨則在龍王

廟今從縣冊凡祈晴禱雨皆在城隍廟不知始何年

矣

厲壇在西關外迴龍嶺每歲清明日七月望日十月朔日

祭無祀鬼神於壇經費銀一十四兩八錢零三釐二毫

在均平項下動支前期守土官飭所司具香燭公服詣城隍神以祭厲告行一跪三叩禮至日所司陳羊三豕三米飯三石尊酒楮帛於祭所設燎鑪於壇南黎明禮生奉請城隍神牌入壇設於正中主其祭榜無祀鬼神分祀之禮生引守土官詣神位前贊跪守土官跪贊上香守土官三上香贊叩興守土官三叩興退執事者焚楮帛守土官詣燎鑪前祭酒三爵退禮生奉城隍神牌還廟

參續纂通禮阮志張志檔冊

告城隍祝文

維某年月日某官某致祭於廣東省高州府石城縣城隍之神曰奉禮部劄付欽奉

皇帝聖旨普天之下率土之上無不有人無不有鬼人鬼之

道幽明雖殊其理則一今國家治民事神已有定例尙念冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒蟲所害者有饑寒交迫而死者有因戰鬪而殞身者有因危急而自縊者有因墻屋傾頽而壓死者有死後而無子孫者此等鬼魂或終於前代或沒於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魂未散結爲陰靈或倚草附木或爲妖作怪悲號於星月之下呻吟於風雨之中凡遇人間令節魂杳杳以無歸意懸懸

而望祭興言及此憐其慘悽故赦天下有司依期致祭命本處城隍以主此祭鎮按壇場鑒察諸神等類其中有為良善誤遭刑禍死於無辜者神當達於所司使之還生中國永享太平之福如有素為兇頑身逃刑憲雖獲善終亦出僥倖者神當達於所司屏諸四夷善惡昭報神必無私除欽奉外合就牒移城隍獄神弔出獄幽以享祭典久遠遵行

大清通禮

案華亭董含尊鄉贅筆謂厲祭緣起明初松民錢鶴皋叛俘刑之白血漬注太祖異之以為厲鬼始命天下設祭稱無祀鬼神 本朝因之會典列為羣祀

忠義祠在教諭署前張志雍正三年建府志祀羅國佐羅福牌位

節孝祠在教諭署前忠義祠右張志雍正三年建府志

案此祠原為官祠初祀節婦全祐妻黃氏牌位同治六年官紳奉文送通邑節婦神主人祠全姓人等擅將各主竊毀合邑紳耆聯控縣府藩撫各憲奉撫憲批准毀人神主律應擬杖飭修札石城縣提訊明確照律究議押令修立同治九年知縣王寶銘遵憲諭齊集訊斷委屬官祠應祀通縣節婦由官補造各節婦牌位送入祠全姓遵賠繳補造牌位工價完案據冊探訪

右二祠每歲俱同釋奠日致祭儀同名宦鄉賢

天后廟在都司署西張志康熙十一年建府志每歲春秋仲月

上癸日致祭祭品銀一兩八錢在地丁項下動支阮通志

祝文

維 后配 天立極護 國徵祥河清海晏物阜民康

保安斯土福庇無疆千秋鞏固萬載靈長 神恩思報

聖澤難忘虔修祀事恭薦馨香士民一德俎豆同堂

仰惟昭格鑒此蒸嘗尙饗

阮通志

案張燮東西洋考云天后莆之湄洲嶼人五代時閩

都巡檢林願之第六女生於晉天福八年宋雍熙四

年二月二十九日化去後嘗衣朱衣往來海上里人

虔祀之航海者禱輒應歷代封號見各史 國朝康

熙十九年封護國庇民妙靈昭應宏仁普濟天妃二

十三年加封天后乾隆二年加封福佑羣生二十二

年加封誠感咸孚五十一年加封顯神贊順嘉慶五

年加封垂慈篤祐道光六年加封安瀾利運十九年

加封澤覃海宇會典列為羣祀

洗太夫人廟舊在東關白公祠右久圯今在南天宮右

張志

同治元年知縣敖翊臣重修光緒十四年知縣蔣廷桂

邑中書職賴兆志勦捐重建增造官廳二廊

採訪

倉聖廟在西關外今松明書院右即蘇公舊祠光緒五年

知縣鄒翼清撥廉改建十三年知縣郭樹榕撥錢二百

千交義倉首事發當生息為遞年祭祀香燈之資

冊檔

案古篆文 倉聖姓侯名剛始創文字天為雨粟鬼

為夜哭神仙通鑑云姓侯剛名頡陳倉人故名倉頡

許慎說文敘昔黃帝之史倉頡初造書契百官以治

萬民以察高誘註呂覽曰倉頡生而知書寫倣鳥跡

以造文章是誠肇文明之鼻祖開萬世之顛蒙其功
德固無窮也我 朝臣工屢經奏請褒崇雖未奉
諭旨列入祀典然吾儒服疇食德飲水思源立廟而
尸祝之禮也

西嶽廟在城內西北隅髦後嶺內祀東嶽神左右康車二

神因廟在西俗稱西嶽堂康熙四十九年知縣孫繩祖

重修黃輅送熟米一石二斗土名渡子填下車原載純
十都一甲温恩戶後收入黃來蘇戶又荒米一石

零五升土名渡子填上車原載純十都一
甲黃健洪戶後收入黃來蘇戶張志

東嶽廟舊在東關外硃砂嶺路上康熙三十九年知縣劉

文煥遷建硃砂井西垌心後再遷東街尾內祀康車雷

三神因廟在東俗
稱爲東嶽廟

惜字軒在縣署右兩進六間左右兩廊並東西兩旁副屋

內供 文昌神像春秋祭祀刊有惜字文集復建庫於

馬鞍山之巔以藏字灰歲重九會同人登高設奠焉溫

道海康陳昌齊惜字軒序嘉慶己未之秋余自雷赴省
過石城界宗人居邦攜其九日聯吟詩冊見示屬記其
事將勒貞珉以垂永久時行色匆匆無以應也明年冬
十月自省歸復道故境因追念舊約不敢以不文辭蓋
邦等深憫夫世之人或遇殘篇斷簡輒委棄之不知惜
其知惜之者亦惟是隨時隨地拾而焚之而付火之後
遺灰冷盡直聽其與塵埃野馬自墮自飛天之苞地之
符其能不受汚焉者正復幾何用是創立字塚於郭外
之馬鞍山以每歲重九日瘞其一年之灰又恐其推行
之不廣且久而或弛也則釀金錢作字庫於每歲瘞灰
之日會諸同志設筵致祭焉甚盛意也夫盈天地間道
而已矣載道者文成文者字是故欲明道莫先學文欲
學文莫先識字惜字者識字之本也今邦等自惜字而
能使人惜字而又欲使千萬年以往人人皆惜字精誠
允格於蠶潛通湖自書契以來諸神聖賢人在天之靈
必時往來於纍纍之間而式憑焉可知也因爲迎神送
神之歌俾祭時歌之歌曰靈之來瑞紛紛八風從律不
相奸自然五氣天成文龜龍蟲鳥雲之間鬚倉沮當
吾前周室史籀儼隨肩厥左李趙胡母甄右許叔仲孫
叔然徐氏楚金偕鼎臣程邈次仲相後先作者稱聖述

者賢雷為鞭策雷為輪佳哉光氣連奎躔又歌曰靈聿
歸萬象收山神終古守茲邱日月久照江河流五鄉三
霽壘上頭霏甘寶露零松楸草如書帶青還柔楷模樹
古陰更稠禁步不使狐兔遊夜來毋令鬼歎歎風清氣
爽我思悠庶有時兮靈少留年年九月祀孔修插菜戴
菊數酒籌受靈之昨萬千秋刑部主事前史官欽州
馮敏昌題惜字軒歌 聖皇大觀炳中正化成天下觀
於字厥初製造何緣因蛇身牛首自觀察四目之聖尤
眠鞍日星河嶽逮龜鳥包括萬象綜天人粟飛鬼哭那
可道榛馳狂逐歸陶甄造化之秘洩自此用載至道開
千塵削竹高詞閣皇墳鐘鼎銘功更策勳黃泉下瘞鬼
呵護碧落上燭霄煙煇岫嶼跡祕獵褐古小篆繆篆方
紛紛斯皆金石垂舊聞體質不蔽光常新一從隸草崇
簡易損益之際功尤勤一時人才盛藝術筆出蒙恬紙
蔡倫章草八分逮真行崔蔡鍾王下筆親源長流遠任
涸湖波瀾壯闊迷涯津試觀蘭亭一輝映尚使江介千
花輦因知千金一字值厥有精氣關洪鈞吾聞斗筮戴
星六文昌雲煜開層層軒然成雲大司命位次將相先
勾陳煌煌封號頌 紫宸俾掌文權稱 帝君梓潼降
生雖莫究文章有神非漫云惟 帝炳霸觀下民文字
棄穢誠堪嘖酒滔東流孰砥柱罕有愛惜同璘玢豈知
石城一舊縣士習民風皆古 涓青衿讀書自惕惕父老
告誠尤殷縣城之外馬鞍山千尋拔起何憐岫誰當

其陽建高庫歲以字紙灰從煙重陽登高發佳興英囊
菊酒俱芳芬題餽之餘更紀事賦詩成集還彬彬奇哉
不孤德有鄰惜字軒構當城闈芝楣繡栢更高轟雲車
風馬爰來臻四十八人為一大朋先後肇祀咸精禮標燎
舊典仿宗伯虹光萬丈輝霞雲盤螭高鑪當殿焚百億
萬字同歸真山庫藏灰匪化蝶道旁文冢方鐫珉惟
神之來當蕭晨冷風曉月清遊巡人能樂善總不倦
神喜錫福方無垠重惟灰冷終不燃豈識氣鬱仍當伸
邱園束帛且看賁 王國觀光還用賓文明昭宣比星
鳳丹青照耀追麒麟食善之報豈初志以風天下尤宜
欣走也讀書愧識字忝附文士兼朝紳學道何曾見厓
略窮經尚欲專鋤穎斯文未墜功可論後先疏附無須
分思陳盛事敢藏拙作歌示後方傳薪 江西學政潘
世恩寄題惜字軒詩韻石南來振舵初橘枝楓葉雨疏
疏銅盤灘下西風裏喜見諸君種德書 愛惜精靈自
有由不須陰騭苦搜求但看退筆成山處便是添修五
鳳樓 進士張景步和前韻笑我西江筮仕初芸窗底
事已多疏如何更學邯鄲步為玩同人惜字書軒名惜
字有來由碎玉瓊枝幾度求莫道拋 同上
爐成煨燼餘香猶自繞書樓 同上

華帝廟原福建連城籍士民鼎建於縣治之西後遷較場
前之南舊志載 國朝化吳石參將蘇昇重建連籍庠

生王之遴王言謝嶠謝安等送田租入廟供用今

無可考嘉慶二十二年知縣張廷幹重修增建廟前戲

樓邑明經全恕捐錢三十千文以襄厥成同治元年知縣敖翊臣重修

元壇廟在城東門內萬歷間進士龍大維同文黃蕭尹顏

謝李各姓倡江西遊學及商賈捐貲買地創建以為豫

章會館內祀元壇置田立里戶名永泰安以供香火明

季各姓渙散香火田租不知歸於誰手康熙三年蘇參

戎離任邑人欲為建祠而未就遂暨蘇公祠額於廟門

然名雖為祠實則元壇廟也廟二進前為門後元壇左

右有房本府管稅吏書遞年居之以收稅課其後空地

皆廟中舊基張志

馬王廟舊在東台右康熙四十八年守備薛士璉遷建於

較場演武廳后同上

觀音堂在城南華帝廟左光緒九年建邱瑞光送廟地一

七石土名龍頭征米一斗楊林氏送田租二石七斗征米二升 採訪冊

南天宮在南門外溪之南祀倪陳二女神明知縣得夢騮

罰陸揚侵佔官地銀每年四錢入廟供用知縣潘仙桂

重修康熙三十四年知縣劉文煥重修乾隆四十五年

知縣喻寶忠重修張志道光三十年逆匪劉八竄擾縣境

神示夢默佑遂殲羣醜知縣邱在濂撰立武功碑以

紀之邱在濂碑記原夫書垂封禪記著搜神古來神靈

每樂為錫子之薦紳士大夫亦樂稱道而表揚之事

雖渺冥傳聞有自勒諸貞珉誌不忘也矧如南天神

之威殲羣醜澤被眾生尤為子所目睹而親聞者乎惟

神廟號南天宮相傳前明時二女乘輿而來自稱路出

天南詰以姓則一陳一倪及抵城南揚馬橋橋畔一山
林木陰翳二女舍輿登山化為二石久之與人入山見
二石上置錢適如工費之數即今之廟處也後人祀之
稱爲南天娘娘考之邑乘載廟祀某神經某重修餘則
略焉意謂疑以傳疑信以傳信志則必紀其實乎然而
習俗相沿又有稱爲電神者雖說屬無稽而事則有據
知神之由來者遠矣歲已酉子蒞任茲土都人士每
盛稱神之靈弗置子以爲爾室屋漏具有神明亦敬
而遠之可耳庚戌冬逆匪劉八竄擾青平墟爾時太平
日久民不知兵眾心惶惶神乃示夢民間謂救兵在
即予初亦未之信也除夕奉調廉州潮勇適至予因留
之辛亥正四日出軍越數日而巨寇悉平夫以數百之
勇敵巨萬之賊不旬日掃除淨盡固以爲人力不至此
也而俘獲小醜僉供陣上見無數紅燈閃閃旂幟飄揚
俱署南天宮字號悟爲神軍遂一時倉惶失措不知所
適云子乃喟然嘆曰神之爲道大矣神之不測亦至矣
於是心焉識之以爲此神威赫奕間賴以安堵實予
所目睹而親聞者允宜上籲天聰榮頌徽號俾得與
天后聖母恩周海國洗太夫人績著高涼共垂不
朽也乃卸篆伊邇徒有志而未逮謹識數語用表聲靈
勒諸韓陵片石後之覽者其將肅然起敬闡神
功而成子志焉是則予之所竊冀也夫 採訪

金花廟在關帝廟前爲民祈嗣之神萬厯間創建順治間

參將蘇昇修康熙三十六年知縣劉文煥重修同上

案廣州府志謂金花者神之諱也本巫女五月觀競
渡溺於湖屍旁有香木偶宛肖神像因祀之月泉側
名其地曰惠福湖又曰仙湖或曰神本處女有巡按
夫人方婉數日不下幾殆夢神告曰請金花女至則
產矣密訪得之甫至署夫人果誕子由此無敢婚神
者神羞之遂投湖死粵人肖像以祀神姓金名花當
時人呼爲金花小娘以其能佑人生子不當在處女
之列故稱夫人云廣東仙湖街廟碑載神生於洪武
七年四月十七日子時其時太史奏昂星不見至洪
武二十二年三月初七日午時夫人卒始奏昂星復
位蓋感昂星而生云

金鷄壇在西街嶺頂每遇歲旱鄉民即此建壇禱雨輒應

採訪已上
附城各壇廟

各鄉墟市壇廟

文武廟一在營仔墟 一在草堂墟墟廢廟存採訪

文帝廟一在塘蓬墟 一在石嶺墟 一在武陵墟 一

在東朗村 一在西朗村 一在岐嶺村長逕嶺道光

閒江南榆公建並捐租十九石八斗為春秋祀費 一

在坡頭村陳邦文倡建 一在上縣村東又一在村西

一在銀蓋田村長江嶺俱同上

武廟一在安鋪墟中二座六間並兩廊橫闊三丈餘前

空地七丈五尺張志道光三十年庠生黃綵綱等重修採訪

一在橫山墟道光二十九年紳商同建 一在青平

墟道光甲辰年陳大鵬倡捐重修 一在石嶺墟 一

在塘蓬墟 一在坡頭墟松屏村貢生陳麗方撥租六

一在良垌墟 一在吉水墟同治八年重修 一在石

頸墟 一在山口墟 一在三合墟 一在武陵墟

一在上墟墟廢廟存 一在縣坊都新村雍正六年建

一在荔枝坑村前十字路鋪下俱同上

天后宮一在安鋪墟內有馬娘一連三座前空地至河乾隆

丙午年嚴劉泰李進芳合眾建張志同治十年重修復在

殿後增建一座三間額曰上達堂採訪 一在銅鼓逕蟠

龍菴左 一在營仔墟 一在城西白沙村埠頭

龍王廟在龍湖邊光緒十三年知縣郭樹榕蔣廷桂全捐

廉創建 一在長山墟南十五里

倉沮二聖廟在岐嶺村文帝廟左同治十三年江姓建撥南榆祖嘗租二十石為神誕祭費俱同上

案 沮聖姓沮名誦黃帝命倉頡為左史沮誦為右史見鳥獸之跡體類象形而制字衛恆四體書勢云黃帝之史沮誦倉頡眺彼鳥跡始作書契是也諸書多言倉頡少言沮誦者文略耳後人崇德報功所宜二聖並祀焉

玉樞宮在安鋪礮臺左供北帝雷神白馬大帝道光十三年重修增建後座三官堂前築演戲臺後空地至嶺左右有屋批租以供廟用喻志載監生嚴維義撥入租三石土名瓦窰港參張志採訪

案康海武功縣志祠祀門編列甚嚴而我 朝功令

民間廟宇非請官咨部覆准不得擅建防淫祀所以正人心也縣屬壇廟甚多鮮由官設殊難備載茲謹照舊志纂入外其新創建祇錄列在祀典者

官祠廢並附

侯公祠為知縣侯瑜建一座三間在城隍廟之右厥後各官或有恩於書吏者書吏亦將粟主並附

陳侯祠為明知縣陳綱建久廢

佴侯祠為明知縣佴夢騮建久廢俱同上

郭侯祠明萬厯閒建今廢鄧宗齡郭侯祠記侯粵西之臨桂人由鄉進士來合石城三年而報政又三年而政成茲且陞遷之永甯矣乃石城之人謳功誦德依依不忍釋其博士弟子相與謀於校日羣吾儕而課誨之使我朝詩書而暮禮樂者誰乎我郭侯也其耕氓者叟相與謀於野日使我左食右粥仰事而俯育者誰乎我郭侯也其賈人販夫相與謀於市日使我業不變時不易操其贏利以活其生者誰乎我郭

侯也遂鳩工集材構堂而祀之用識不忘以貽諸世世
 余也竊在鄰邦維侯之政耳之稔矣祠成耆老顏尚賢
 里排黃炯關一濟等請紀其事余拍掌曰郭侯之政一
 至是耶何令人繫心乃爾余考侯之素悉侯之政其衷
 粹白其守廉平其才識精明而練達其出而試石城也
 如太阿之發劍而事皆迎刃如逸足之康莊而轍無滯
 迹凡所以剔弊興利飭紀維風肅清旨濫斥去羨餘以
 蘇此凋瘵者不可盡述姑舉其大石城之俗樸而少文
 弟子僅四十餘員已爾侯加意名教風勵士林時諳諳
 而化誨之不啻父兄子弟以故士知率德於今百有餘
 員彬彬然質有文焉當時餘糧絕丁貽累廣矣侯惻然
 軫念清審而申豁之以故安其生樂其業而石壕之歌
 不作石城士堅而人剛其俗好爭而勤於訟侯則持之
 以平濟之以斷一洗其揚沸之政而敷之烹鮮之理以
 故無情者息而公庭之上可設雀羅劇賊蔡邦良倡禍
 於黃村四方恟恟然不保其生侯設計擒獲之殲其渠
 魁散其脅從以故嶺之西海之北而焚燬劫掠之禍可
 息夫班椽良吏才也其紀循良不過幾人如蜀郡之興
 學而彝風變渤海之理繩而民俗清南陽之興利潁川
 之寬和而人以富實後之譚吏治者往往欣豔不置乃
 侯之治殆兼數公之長而與召伯國子相先後矣祀法
 不云乎法施於民則祀之禦災捍患則祀之侯之惠石
 城而享報有永也何所不可後之采風者不與甘棠之
 詠與人之頌相媲美也哉侯諱良楫字濟卿通川別號

張志

鄒公祠明嘉靖三十年巡按御史蕭世延督學副使張希

舉檄建今廢明李邦直鄒公祠記君子之學養氣為
 立德是故有以耀之勿與蕩也亦有以困之勿與移也
 以難之勿與懼也亦有以迫之勿與挫也立齋鄒先生憲
 皇帝時抗章諫二三大臣之短論斥諸刑臣之弄天綱
 忠謹閭諒疏上不報孝廟登極坐御史湯公鼐事連及
 謫石城千戶所吏目則石城其先生貶所也邦直嘗廉
 得先生之德之學蓋自總角時業已夢寐屈宋追步班
 馬落筆千萬言奇字爛錯綺文輝奕已而弱冠領解首
 第進士官翰林大悟元虛益振藻麗凡見乎文刊陳振
 替區走羣視者山斗之發一其陳之奏疏有正心之功未講
 及深居法宮此心之發一如事天之時之語著論言人
 性之善有嘗觀諸月出沒乎丹崖青壁之上容與乎虛
 空空谷之間數言真若灼見道體齋心繕性則又匪獨
 文章科第之鼎已爾理學名臣拾餘老先生隆聲實於
 昭代上以湖淵源之正下以湖元氣之純使世得為頌
 先生之功也其非浩然之氣克養於立言立功立德之
 間也耶自先生歿以迄於茲豪夫志士每惑于先生恨
 胡昇之良胡奪之速而時弗俎豆以風名教為先生恨
 嘉靖辛亥冬十月督學萊谿張公希舉試士郡邑按石

城惻然曰大賢君子過化之鄉使不有祠何以表先民
崇道化其為曠典莫甚因移檄謀守巡大參堯峯徐公
禎僉憲蘇菴劉公洵燧上其事於代巡友山蕭公世延
欣然議行一時風神意氣有相感孚而欲寄素衷於瞻
趨景行之外獨表厲然哉乃以文屬邦直紀諸貞珉邦
直甚懼不文而又喜附名不朽其奚敢辭嗚呼塞天地
為正氣會川嶽為人文宋諸儒中程子謂張敬夫年十
六七遂有志聖賢之道而先生年過弱冠即巋然上與
理學之芳顧茲遐邑新祠屹立殆與雷寇公祠廣白沙
祠並峙於乾坤清淑之內則先生之壽雖止二十有六
先生之所以壽者則壽於無窮將百千萬祀而弗死矣
然或者謂石城去先生家鄉數千餘里而先生之沒去
今六十餘年祠之作何以來先生之神不知蘇長公序
韓文公廟碑嘗謂公之神如水之在地中無所往而不
在然則先生之精其氣吐電化為龍文上貫少微正氣
磅礴何往非神其必乘雲馭風來歆四公之虔永為此
邦文教之庇也孤風遠韻上流旁溢其殆鼓天地之正
氣使之聞其風者而興之勃也名教之地風俗道化先
焉是祠之建所繫豈小小哉先生姓鄒名智字汝愚號
立齋蜀之合州人因修祠記之 何彥重修鄒公祠記
立齋鄒公四川人也以言事謫石城吏目舊有祠於石
城千戶所之後歲久漸圯不治萬歷丁丑春巡按德宇
詹公貞吉行部高州謁祠下見其堂室狹隘止有二層
且漸傾圯憮然於懷乃檄郡守胡君文石城縣令唐廷

燦增修之議出費六十餘金命所吏目梁山專督工程
建寢室以妥神兩旁為東西二廊中為堂前為門其規
制較舊益廣棟梁堅美丹雘彩畫煥然一新始工於二
月十二日畢工於三月十三日事倏竣而民不勞既落
成咸謂斯乃盛舉宜有言以識歲月茲承按院屬筆於
彥子惟鄒公風節夙所傾慕焉者豈容以弗文辭鄒公
諱智字汝愚立齋其號也少而穎悟不凡卓有大志成
化丙午發解於鄉丁未舉進士簡庶吉士宏治戊申因
星變上疏極論陰陽之理其言指斥時相曰某某等
三人皆小人也又舉尚書都御史曰某某等三人皆
君子也且曰君子所以不進小人所以不退者宦官有
以主之也其言懇切疏入不報己酉言事者誣知州劉
槃御史湯鼐妄言朝政時言官畏勢莫敢有論救者又
以時相憾智劾已諷錦衣衛因鼐獄詞連及之並下獄
議欲置重辟刑部侍郎彭公韶辭疾不肯判案獲免左
遷石城所吏目其獄中有寫懷詩曰但願太平無一事
孤臣萬死更何悲一時傳誦莫不嘉忠誠而惜其去國
也既至貶所盡心職事廢墜修舉士民感化總督都御
史秦公紘重其為人檄遣修書居廣城嘗往還江門與
白沙陳先生講求聖賢之學造詣益深順邑尹東湖吳
公廷舉與公為進士同年延至順德邑民古樓堡李煥
構謫仙亭以居之公惟詩文自娛悠然物外亦自忘其
為謫居也白沙先生遺以詩曰遷客一亭眠海濱當時
誰號謫仙人花汀柳市無疆界盡是乾坤一樣春則鄒

公風度可想矣辛亥十月卒於順德年二十六時廣東
方伯東山劉公大夏以公事至邑臨其喪乃與吳東湖
公資助之歸柩於蜀蓋自鄒公卒後石城縣初祀於名
宦祠既乃創為特祀今詹公復增修之非惟以妥安靈
神之者宛如泰山北斗之在望矣詹公按吾省肅憲度糾
官邪鋤豪強恤民隱為名侍御而斯祠之修迺其表揚
風化之大又有出於簿書刑名之外者其關係豈小小
哉彥順德人也為士子遊庠時徑遊謫仙亭見白沙詩
高勝其上輒與懷賢之思及鄒公卒白沙復弔以詩曰
兒啼毋絕家何處水宿山居路幾程又曰若將禍福論
天道顛沛如公豈理哉每讀此詩弗覺潛然出涕傷其
名賢而卒於吾土也茲以按院公屬彥執筆雖未獲拜
鄒公祠下而懷感之心復戚戚焉矣遂不揣而披瀝以
記之屬稿成而詹公屈行未及刻今巡按懷川龔公懋
賢來按吾廣仰哲思賢同一心也乃以鑄石云 大參
王儼題鄒公祠詩報國丹心一紙書投荒萬里海濱居
孤忠夢寐懸金闕羈旅淒涼隔石渠阿世覲顏人已朽
歲時流涕計非疏清風百代起頑儒富貴浮雲任卷舒
郡侯吳國倫詩梁獄鄒陽解上書一官流傍海雲居
虛將彩筆干霄漢無復青藜照石渠賦鵬湘南年並少
頌鱸門下客全疏荒祠斷碣蠻烟裏落日楓林黯不舒
大參桂嘉孝詩劍外飛聲塞九天鳳池文藻屬青年
朝端正氣星辰動海表風清道學傳薄謫豈妨霖雨用

修文蚤賦玉樓篇臨風泣向荒祠下花落烏啼愴暮烟
御史汪言臣詩寶劍會聞借上方丹心日月可爭光
孤忠獨許嗟唐介三木身親泣范滂宣室有恩終浩蕩
海天無處覓蒼茫思君欲擬招魂賦搖落秋風祗自傷
謁帝承明最少年一時詞客盡推先芸編人讀批鱗
疏貝錦誰容逆耳賢日下虹霓雖悟主坐隅鵬鳥莫非
天賈生才調靈均節歲歲英風障海邊 憲副李熙詩
萬里投荒一逐臣洛陽年少氣嶙峋上方借劍寒奸膽
袖裡彈文犯逆鱗贏得清風振海濱 臬司劉之龍詩
忠魂不作胥濤怒羸得清風振海濱 臬司劉之龍詩
斥伏名高金馬臣飄零萬里石城闌雲埋江漢應無色
夢遶翠簾尚有一身梓里鵲啼山畔月荒祠香薦湖邊蘋
相臺徙倚彈雙劍無限悲歌灑淚頻 司理王恩賢詩
去國飄飄嶺海閒瞻雲愁絕萬重山清時漫灑孤臣淚
直道難回聖主顏自許匡衡能抗疏誰期唐介不生還
須與代謝成今古留得高風起懦頑 邑令謝璿詩萬
里遐風一放臣我我祠宇又更新文章日麗三巴錦氣
節風清五嶺塵賦鵬少年同賈傅卜居湘水似靈均謫
亭仙去孤雲繞千載忠魂弔海濱 邑舉人黎民鐸詩
邈矣先生沒不忘悠悠靡及此倫常黃雲紫水尋知己
碧院青松伴異鄉夢繞朝暉依鳳闕時因星變度 張志
龍荒西風淚斷孤臣線遐振千秋補舜裳

案何太僕記云舊祠在千戶所後考郡志學宮故址

明嘉靖遷縣治及軍所之閒又郝通志載守鎮石城後千戶所在縣城西據此則縣治之與軍所地去咫尺而鄒公祠址亦當在城西矣姑參舊志以訂之

蘇鄒二公祠明崇禎初重建今廢

明郡別駕聶應井重修蘇鄒二公祠碑記自今朝廷邦國以至於兒童婦孺莫不知有蘇文忠公者越數百年而我明庶常鄒公繼起庶常名位未顯乃更無年其聲名文物俱遜文忠公一籌然而實收兩先生道德文章遭逢際遇上下千載如同一轍奇也兩先生并蜀產其地同俱以少年登第其名同文起歷代之衰道濟天下之溺其學同以謙論批人主之鱗以危言落奸雄之魄其忠同乃直至道之不容於時孤身之流離萬死其遇同最可異者文忠竄嶺海而庶常亦竄嶺海其遷流放逐之地更無不同石邑於兩先生俱有專祠其祀庶常何以會貶吏目於此也文忠之有祠則當年經臨其地而構書院以居者也大抵名人所至草木都芬有道淹留山川增勝彼滁陽以醉翁名匡廬以虎溪著鬱鬱蘇祠久已傾頽乃徙其主而合祀於鄒已而鄒祠復就頽矣破塊傾垣不蔽風雨予代庖石篆思有以振謝子而維新之謀之學博劉君孝廉黎君諸生沈子暄謝子

必最而劉君乃始終堅成厥任顧是役也或有疑焉者曰禮之有廟祠也生而有功德於民沒則祀之馨宗以明報也而蘇鄒二公以未僚遷客無所短長顧乃祠而祀之於理安於情順乎日理也亦情也兩先生之德澤在人殆更僕而未易數也今夫撫字劬勞及身而止善政善教及民而止善乎文正公之祀嚴子陵也謂其有功於名教也夫子陵耕山釣水何與名教而文正謂其頑可廉懦可立固宜食其報也然兩先生之在當時播遷烟瘴又何計身後之祀乎乃思其忠誠不諱不禁夫乾坤毀而日月慘也思其擯棄難容不禁夫風雨之妻其而烟雲之黯淡也迺今風教所感令人奮興屏者起弱植忠臣孝子愈以增其慄烈之思擔夫走卒益以動其慨慕之情則其振興於風化為何如而其為功於名教又何如也或人乃輟爾曰有是哉子言之熾也雖然子誠蜀人也知有蜀而已子其瞻青雲仰白日依兩先生以聲施不朽乎是蜀而已子其瞻青雲仰白日依兩附驥尾也則吾豈敢閤會步二公合祀記石邑濱海而處制度草創凡在祀典者俱荒沒草間風雲雷雨山川社稷孤魂等壇或湫隘低滄或逼狹山側不堪展祭予於五十四年委縣尉俱移置爽塏之地以棲神靈以為一方祝釐因憶少年讀史見理學鄒公汝思赴宴題詩中秘陳奏心向往之及奉調石邑取誌繙閱始知前日之遷謫即今日之查前合孫公於東門內新建蘇長公歸鳥有嘆息久之查前合孫公於東門內新建蘇長公

書院春秋享祭鄒公與蘇公俱蜀產居同鄉為翰苑任同官且彈劾當事不避權奸遷謫嶺表怡然自如又同處患難因恭造神牌撰吉而合祀之真聲應氣求志同道合數百年如出一轍也不特神有依棲一方之人皆有瞻仰興起將使後之君子讀古者既知其事經歷者亦詳其地也若其踵事增華復從而光大之使名賢之遺蹟昭然不墜是又在後之賢有司任地方之責者蔡叔度謁二先生祠詩于蘋于藻幾居諸斷碣頽垣實渺予此看祠前荒草色還疑當日瘴烟初張志

梁公祠為知縣梁之棟建今廢張志

白公祠為知縣白玠建舊在東門白霧嶺下即今養濟院

東北隅久廢探訪

顏公祠為知縣顏煌建舊在武帝廟西與黎施主祠相近今廢移神主於松明書院內蘇公龕旁奉祀同上

津梁

案說文津渡也梁水橋也舊志先梁而後津究厥名

義古人實先置渡而後置橋易卦象但及舟楫而不及橋梁詩曰造舟為梁此渡先橋之確證晉書志天文唐書志百官並津先於梁殆以此也今編先津後梁而古人立制命名之義庶不倒置云

白石渡在城西二十里張志

花石渡在城西二十里

龍灣渡在城西四十里俱同上

渡子渡在城西五十里府志

賀江渡在城西六十里張志

黃鱔埠渡在城西六十里同上

黃東義渡在城西六十里探訪

沙剗義渡在城西八十里以上二渡道光二十二年監生

李興國等倡捐置租永為渡夫工費往來人不用給資
有碑採訪

合江義渡在城西北二十里張志道光十二年鍾士昌梁彬

生等八十五人各捐錢二千斷受田租一百零八石

後董事蔡鴻基續積受租九十石為渡夫工食需往來

行人不取渡資採訪

秋江義渡在城西北三十五里同治十年鍾益壽等捐設

現置租二十餘石有碑同上

零綠渡在城西北百五十里府志

吉水義渡在城西北二十里道光六年增生彭元武生黃

華珍等六十二人各捐錢二千斷受鋪屋二所田租

五十石四斗為榜人撐渡之費有碑採訪

江頭渡在城北三十里張志今廢採訪

鶴地渡在城北三十里同上

菜浪義渡在城北三十里咸豐六年鍾挺英捐田租二十

四石為船夫撐渡費有碑

丹竹水義渡在城東北四十里道光五年吳重華倡捐置

田租十餘石為渡夫工役費有碑

米湖角渡在城東北五十里咸豐七年吳重華等捐設

石角渡在城東北九十里

坭角渡

三合義渡在城東七十里此渡先年批租歸三合村康王

大帝廟光緒十五年陳廷茂撥租九石入康王廟另撥

租十二石為渡夫工費入稟存案俱同上

良垌渡在城南五十里張志

良田義渡在城南五十里良田村前道光甲辰年陳譚氏

率男同知陳榮昌捐田租八石渡屋一間為撐渡費有

碑採訪

灘脛義渡在城南六十里良田渡下道光甲辰年陳榮昌

捐田租一十二石另每年捐錢一千二百文為修艇及

渡夫日給之資有碑

黃驚灣下義渡在城西南五十五里張姓撥出馨山嘗租

十石為雇夫撐渡費俱同上

文昌橋在西關外半里明萬厯間知縣佢夢騮捐俸創造

橋後圯 國朝乾隆四十一年知縣喻寶忠易以磚石

旁立碑題曰文昌橋張志

鎮龍橋在西關外明知縣佢夢騮改築西路移通駟橋而

更新之距文昌橋數十步重修西關石橋碑記石城羣

折彙於縣南轉而西北山有小口突出百步直射河頭
村與石相礙又直回山口始紆徐而西入江舊南天宮
鎮龍寺東門外有徒杠三座子到任委縣尉徐選董其
事漸次修葺西郭舊有石橋南北橫跨夏秋水漲通邑
借以往來年久不堪車輿其下皆巉巖危石崎嶇嵌透
蹲踞者如虎豹森然欲搏人偃仰者如蛟龍潛藏於水
底或石瀨相盪錚然有聲或波濤縈迴幽然無際行人
失足淪溺多不可救四十三年天旱水落予及時鳩工
堅其根柢塞其罅隙鑿石橋上砌為甃背樹以華表週
以邊檻行者樂為坦途焉吾聞堪輿家云水之彙歸屬
財貨水之紆曲視文風焉土吾民生長於斯自茲以往
人傑地靈民間蓋藏如坻如京士子譽髦濟川題柱斷
焉可知也

復舊河尙待修復張志 同治十一年改河由荔枝園出橋遂拆毀現

荔枝園橋距鎮龍橋數十步同治十一年改河新建旋圯

邑廩生羅汝庠兄弟出資修復採訪

二橋距鎮龍橋里許張志

三橋距二橋半里

建峯橋在河村仔城西二里乾隆閒戶部員外郎進士黎

正捐資創建同治四年布經職賴兆清倡捐重修採訪

楊詩橋在城西十里

三良橋在城西十五里俱同上

利濟橋在城西十五里歲貢羅汝蘭廩生賴炳元等倡建

有碑採訪

員山上下二橋俱在城西十五里張志

掃桿坡橋在城西二十里同治閒同知銜羅家珍捐資新

建採訪

中火橋在城西二十里張志

田金橋在城西二十里有碑

白鷺橋在城西二十二里俱同上

根竹坑橋在城西二十餘里道光七年鍾錦芝等捐築採訪

山澗上下二橋在城西二十餘里道光初監生李興國倡

捐創建有碑同上

黃了大橋在城西三十里張志

大埤橋在城西三十五里大路邊路鋪下光緒四年同知

銜羅萬善等倡捐創建採訪

龍灣橋在城西三十五里張志

青塘橋在城西五十里近青塘村道光乙未年監生羅士

賢捐資倡建採訪

輔龍橋在城西六十里陀村後窰子嶺咸豐十一年建光

緒二年監生羅啟用郎中羅啟迪重修

普濟橋在城西六十里塘雷村同治壬申年胡志顯等以

祖嘗建

俱同上

羅往橋在城西七十里

張志

楊尾橋在城西八十里

那樓橋在城西九十里

安鋪墟東溪橋在城西九十里監生黃大進等捐造

安鋪墟西溪橋在城西九十里生員嚴劉齡捐造

俱同上

瓦窰溝橋在城西九十里毛廷漢等建

採訪

裕仁橋在城西一百里官寨港同治十年合浦郎中林曉建

高橋在城西百二十里

大魚河橋在城西百二十五里

高村橋在城西北四十餘里道光二十四年劉三捷修

建鎮橋在城北二里道光二十四年李成貴李春芳等捐

築有碑

俱同上

南榕橋在城北十八里

張志

莫院橋在城北三十里

秋楓江石橋在城北三十里鍾姓建

那良埠橋在城北四十里

五營橋在城北四十里

峻嶺橋在城北四十九里

三合橋在城北五十里

北溪橋距三合橋一里

俱同上

永安橋在城北五十六里古特寺左光緒十二年僧建棠

募建 訪採

楊村橋在城北五十八里

張志

武陵橋在城北八十里久廢同文治岐黃應開倡捐修復

訪採

綠管坡橋在城北一十里

訪採

榴村橋在城北百二十里乾隆九年監生黃永泰建

欖子根橋在城北百二十里歲貢生揭崇榮倡建

南埔橋在城北百二十三里

坭浪橋在城北百二十八里

玉田坡橋在城北百三十里

俱同上

丹竹水橋在城東北三十里

張志今圯 訪採

銅灣橋在城東北百二十里武舉黃士琮等倡建

訪採

青榕橋在城東五里即大橋頭

頭鋪橋在城東十五里亦名大橋

同上

雷霆橋在城東十五里

張志

安祥橋在城東二十里上縣村東南光緒十二年黃槐芳

等捐築 訪採

白藤橋在城東二十二里

張志

響水橋在城東二十五里

僊界橋在城東三十里

江邊村橋在城東南三里

新石橋在城東南三里

木樞橋在城東南三里

石鞏橋在南關外十步

南天宮橋在南關外半里相傳即駐馬橋俱同上

那頂橋在城南十二里同治年增生黃景華等捐建採訪冊

掃桿河橋在城南十五里木腳山村左有碑同上

青陰橋在城南十五里張志

丹竹塘橋在城南二十六里青陰橋下道光九年李興國

捐修採訪

馬溜橋在城南二十里嘉慶二十二年陳居祿倡修

龍窩江橋在城南二十里龍窩江村右道光閒李興國捐

築有碑

馬流河橋在城南二十五里龍仔尾村後嘉慶丁丑年庠

生梁邦榮倡建

九曲河橋在城南三十里龍有村前道光閒李興國捐建

王大夫橋在城南三十里同治四年黃秀靈捐建同上

千路橋在城南三十五里銅鑼埔村前陳家會建黃春盛

重修有碑

碗窰橋在城南三十五里乾隆三十七年黃雲彩捐造張參

志採訪

龍田山橋在城南四十里龍田山寺右光緒八年陳文煥等倡建

無極橋在城南四十五里良垌墟左鄒姓建

均安橋在城南四十五里良垌墟邊增生鄒耿光等創建

魚梁頭大小二橋在城南四十五里光緒己丑年舉人陳

炳章同知銜羅萬善等倡建

江邊墟橋在城南五十里道光初良亭村謝齋公募建年久傾圮光緒十五年鶴山陳以德堂重修費金千緡有奇

繩武橋在城南六十里舊為南橋渡先是邑紳江會東捐

租置船以濟行人同治七年其孫歲貢式和舉人誠和

承先志創建石橋長十八丈橫闊七尺餘

聽鄭政以乘輿濟人孟子許其惠而譏其不知為政謂夫能濟一二人不能濟千萬人能濟人於一時不能濟人於久遠也夫徒扛輿梁定制為守土者之責然民間好義士往往有獨力成者如邑城外六十里有南橋號為雷廉瓊孔道兩岸寥闊一水盈盈往來行人望洋興嘆者久之非若賦匏葉之章可以深厲淺揭也道光庚寅間邑紳江浩然封翁建公渡於斯招舟子操舟濟要津置田十餘畝為歲給工役計四十年來利濟者不知凡幾今猶頌德勿衰歲同治戊辰其嗣孫學博式和駕部誠和席先代濟眾之基為一勞永逸之舉於是易渡以橋聚石為倚橋長約十八丈橫闊七尺有奇護以石欄又於岸旁構小亭備石磴為征鞭少憩之所自秋末

鳩工庀材告成於逾年之春杪程工半載需費不下七千緡一時雁齒橫排虹腰遠映天光波影相與上下凡履者履者乘車而策馬者土農工商外上自皇華使臣下及輿夫走卒舉欣欣有喜色而相告曰此江氏一門盛德也無前此守侯之勞並免同舟濟之苦即千秋萬里古稱廣濟者何以加茲吁二君以明經孝廉一振鐸萬川學足濟多士一觀政兵部才足濟六軍他日顯仕播鴻猷其功業且濟遠方而濟後世區區是橋之建特濟人一端耳抑猶有說焉二君繼先人志而適如其志述前人事而變通其利賴無窮淵源有自質之祖考在天之靈當快然無有餘憾不知者以為義舉可風其知者以為孝思維則烏可以不傳歟工將竣索記於余余為次以爲大略勒諸貞珉庶人與橋並垂不朽云

吳川林殿撰召棠碑記石邑之南有要津廣肇雷瓊之通衢也江君先德置義渡招榜人備黍食役始庚寅屈指四十年既以急湍危不若平橋安而措費不易江君昆仲獨任之卜吉於戊辰秋仲成於逾年春季旁構小亭中列石磴名曰繩武橋長十八丈橫七尺餘旁護以闌干歲貢生大埔教諭江君式和辛酉舉人兵部主事江君誠和不惜數千緡以肩其任為一邑久遠利也實承先德之志也

迴江橋在城南七十里三角塘村西北教職戴尙新倡建

俱同上

道路

縣東道路

自城外東聖寺前去而大路墟而白藤至化州
來孔道其間山徑欹仄紆折難行光緒十六年春代理
縣事徐儒聲捐俸倡修並撥款為助費錢貳百餘千道
遂砥平行人便焉 採訪

縣西河口道

自城西關外至河口埠約十五里每常霍雨
萬善林悅盛隆興號羅和軒羅謙益羅著興賴裕隆李
受泰鮑麟波等九人各捐錢貳拾千文權積生息為
年修理之資十一年將所積之項置受林錦春田米一
契額租十石征米一斗七升在縣坊七甲羅紀欽戶修
路軒完納土名山湖一坵大路下三角田一坵種一斗八
升石牌仔蛇咬大田一坵種五斗六升石牌仔上坵一
四方田一坵種一斗八升石牌仔坵大頭田一坵種一
斗六升石灘邊連田三坵種二斗八升大小共田七坵
共種壹石三斗六升 採訪
墟市 契存羅萬善處

案日中為市著於經墟則未見虛古墟字戰國策孟
嘗君傳市朝則滿夕則虛南越中楚市曰虛此墟之
名所由昉也我粵負遷百貨隨地流通凡名鎮巨都
貨物豐贏商賈輻輳即謂之市其或統遠近村庄於
適中處所定期而會以求日用饗飧之資晨聚而午
罷則謂之墟石城風氣簡樸力穡者眾逐末之氓十
僅一二故墟多而市少云

東西二墟舊在城外東西關分期成市道光閒移置較場

演武廳前每年十月初三遷於葉家坡俱三六九日趁

縣坊

江邊墟舊名良土坂在城東南五十五里二五八日趁

都

山口墟在城南二十五里二八日趁

兩家灘墟在城南五十里一七日趁

良垌新墟在城東南五十里四十七日趁

南橋墟在城東南五十里今廢

坡頭墟在城東南六十五里三十六日趁

那梭墟在城東南七十里二五八日趁俱豐二都

三合墟在城東七十里

太平店墟在城東北三十里

石角墟在城東北九十里一四七日趁

禾寮塘墟在城北一百里俱豐三上都

江頭墟在城北四十里今廢豐三下都

石嶺墟在城西五十里

黃坭頸墟在城西北九十里

那賀墟在城西六十里俱成四都

龍灣墟在城西三十里

清水墟今廢

牛墟仔墟在城南三十五里二五八日趁

橫山墟在城西南七十五里三六九日趁

安鋪墟舊名暗鋪在城西南九十里二五八日趁俱成七都

吉水墟舊名急水在城北二十五里

扶陵墟在城西北五十里

塘蓬墟在城北九十里

安和墟在城西北百一十里

龜子墟在城西北六十里今廢俱純八都

草塘墟在城西七十里今廢

石頭墟在城西七十里

廟山墟在城西七十里今廢

長山墟在城西北百二十里俱純十都

沙剗墟在城西八十里

仰塘墟在城西南七十里一四七日趁

息安墟在城西南一百里俱甯十都

營仔新興墟在城西南百一十里俱甯十都

青平墟在城西百一十里

鎮成墟在城西南百一十里

安平墟在城西南一百四十里俱甯十都

下洋墟在城西南一百五十里俱甯十都

館驛

縣城館在東門內今名行臺即知縣孫繩祖所建松明書

院參張志

龍灣館在城西四十里往廉州憩息之處乾隆四十一年

建今圮

青蔭館在城西南二十五里由縣往遂溪憩息之處今圮

橫山館在城西南七十五里遂溪往廉州經縣境住宿之處

處

仰塘館在城西南七十里由橫山達青平投此憩息

青平館在城西一百一十里由仰塘龍灣往廉州住宿之處

處

高橋館在城西一百四十里由青平往廉州憩息之處俱同

上並參府志

郵鋪

縣前總鋪起東十五里至那良鋪又十五里至白藤塘鋪

又十里至分界塘鋪又十里至化州新安塘鋪參府志

縣前鋪起南十五里至老鴉塘鋪又十里至青陰橋塘鋪

又二十里至遂溪太安塘鋪

縣前鋪起西十八里至龍村鋪又十五里至下山塘鋪又

二十里至樟村塘鋪又十五里至那賀塘鋪又十五里

至沙剗塘鋪又二十里至烟墩塘鋪又十五里至青平

塘鋪又十五里至石頭岡塘鋪又二十里至高橋塘鋪

又二十里至合浦縣新墟塘鋪俱同上

古蹟

陳其琛分纂

唐羅州在縣東北三十里龍湖城址猶半互山麓阮通志

案宋郡縣志唐武德六年羅州由石龍徙治唐之治

即今舊州湖也據通志沿革縣址亦當在此自可無

疑

廉江廢縣唐置在州此化州也南百三十里宋郡縣志本漢高涼

縣地唐武德五年始置石城屬羅州六年羅州自石龍

徙治於此天寶元年更名廉江開寶五年廢羅州併廢

縣隸吳川乾道三年廣南西路諸司言吳川縣地廣民

眾乞將吳川縣所隸西鄉置石城縣詔從之圖經云以

縣有石城岡其山如城故名輿地紀勝今化州西北五十里

有石城山或謂即今石城縣誤阮通志

幹水廢縣唐置在縣西七十里方輿紀要唐志武德五年析石龍

吳川置招義縣屬羅州天寶元年更名幹水南越志云招義縣昔為流人營義熙元年立為縣後廢唐復置改曰幹水太平興國五年廢入吳川案此縣在羅州西境宋南渡復置石城縣割屬石城舊志仍在吳川縣西誤

大清一統志

據寰宇記幹水在廢縣西二百步招義山在廢縣西北二里圖經云昔有譚氏招義於此山聚會以討僭耳因此得名據此則初置縣以山名後則改以水名也又案寰宇記於潮州潮陽縣下引南越志云義安郡有義招縣昔流人營義熙元年立為縣考宋書州郡志義安郡下與南越志合惟義昭作招義立文小異而高涼郡下並無招義縣齊書州郡志亦無之殆樂史因唐置招義

縣而誤援南越志未審重出也

阮通志

零綠廢縣唐置在縣西南一百二十里

方輿紀要

取縣西二十里

零綠水為名輿地紀勝太平興國五年廢入吳川九域云吳

川有零綠鎮即此乾道後割屬石城縣

大清一統志

案寰宇記幹水零綠廢於太平興國五年考輿地各書引宋會要皆云開寶五年省廉江幹水零綠三縣入吳川寰宇記殆誤又黃府志云零綠縣故址在今合浦縣東南境與石城西南境接界處

零綠鎮故址在縣西南以廢零綠而名有巡司洪武初置

舊有零綠關亦置於此

方輿紀要

宋舊城址在縣北江頭鋪西磚石尚存

阮通志

元舊城址在東黃村即今上縣村天曆元年移於新和驛

卽今治上同

宋舊縣署在江頭鋪西阮通志

元舊縣署在東黃村天歷元年遷新和驛卽今縣治參阮通志

張志

明吏目廳近今縣署崇禎末相傳城中有妖夜半擊吏目

廳卽其署也今廢張志

察院行署在北街東嶺下今廢

布政分府署郝通志在察院東今廢

按察分司行署在察院西今廢俱同上

教諭舊署在學宮西阮通志

典史舊署一在縣署東一在東街

舊儒學一在西關外迴龍嶺一在西台右俱同上

巡檢司舊署在零綠地方今廢郝通志

丹兜場委員署在下洋地方張志

贊政廳明典史徐卽用建同上

後千戶所署在縣城西正統五年置隸雷州衛今廢方輿紀要

郝通志

參將署在縣口七餘步張志

寅賓館在舊縣署儀門前

皇華公館在新和驛內

府館在北街東已上俱廢

新和驛館在縣治東二十餘步

三合驛館距城東北六十里俱同上

息安驛館距城西北九十里已上三驛康熙四十九年裁張志

舊學宮在江頭鋪南元皇慶間遷於高峯鋪東黃村天厯
間遷於新和驛左明洪武間建於縣之西台成化間遷
於西關外迴龍嶺張嘉靖二十一年遷於縣治及軍所
之閒郡志

江頭鋪西社學宋時建元因之今廢張志

養正社學在新和驛西今廢

新和社學在驛右明知縣謝璿建今廢

四鄉社學在縣城中康熙二十五年建今無考俱同上

松明舊址在甯十三舊志作十一都零縣地方離城百四十里

昔宋蘇公軾經此止宿然松賦詩因建書院額曰松明

至元季頽廢附流寓傳宋蘇軾字子瞻眉山山人歷官端

言時政得失屢遭貶斥紹聖元年草責呂惠卿制忤章

以瓊州別駕安置昌化軍儼官舍有司不可乃寓天慶
觀結枕柳菴以居儼人爭運甍奮土助之與幼子過著
書賦詩為事徽宗立以赦徙廉州道經本邑松明地賦
見晴濤浩淼蒼虬蟠結樂之後重先生者遂以此構書
院設神牌以祀元末院廢儒士陳均移神牌於其家洪
武三年縣丞倪望奉之文廟之側康熙五十年知縣孫
繩祖以松明舊址僻乃改建於城內東隅至乾隆間假
為行臺因又遷於西關文昌廟之右與鄒公智神牌合
祀歲時致祭同治六年遷建文昌廟於城內東台下所
遺舊宇中座前奉文帝之位即移先生與鄒公神牌於
此祀之並移松明書院額於門外及光緒十三年丁亥
邑紳江熙和之子國濟司鐸儋州見儋人塑先生真容
奉祀爰仿木像昇歸吾邑邑人土並奉於松明祀之而
舊院改為倉聖廟與書院毗連皆為士子肄業之所此
可見前賢之德感人心者久而愈深亦以見吾石之人
仰前型者遠而益切也又蘇軾松明火詩歲暮風雨
交客舍悽薄寒夜燒松明火照室紅龍鸞快燭初煌煌
碧煙稍團圍幽人忽富貴蕙帳分椒蘭珠煤綴屋角香
瀟流銅槃坐看十八公俯仰友燼殘齊朝孫緝祖用蘇
軾原韻松火發奇光照讀回夜寒遐哉蘇學士曾此效
樓鸞我來瞻故址雲似松烟團風流草木香如依蕙與
蘭自公一寤宿逸韻邁考槃勢位容易摧芳名曾未殘
吾兄景高躅撫茲生長嘆庀材拓新院大德未有關

孫繩祖明懷古詩昔日皇華路今時虎豹窟滄桑竟
若此感慨復如何古井流甘澤蒼松挂薜蘿徘徊遺址
上猶自憶東坡 吉安劉繼禮松明懷古詩大蘇餘韻
海濱傳點染雲霞入槩鉛已倩文章鳴此日還從山水
憶當年寒鴉向晚啼衰柳殘橫秋鎖斷烟千古風流
今宛在仲看午夜撤金蓮 又次孫繩祖韻謫去天涯
路聊棲一樂窩流光今不絕清影近如何古木歸黃鳥
殘甃覆碧蘿遺踪千古在於此仰東坡 浙江姚世份
題孫明府松明懷古圖三台治績同勾漏仙令風流註
水經泉汲海中烹淡味砂探嶺上煉黃庭閒吟樹底拈
斑管靜坐溪邊對翠屏獨有長庚能識意好傳阿堵注
松苓 遼東穆赫林題松明懷古圖當年書院已荒涼
荀令松名香松長虬龍井水潔得君題詠又重光
侶政績應齊召杜班 番禺令姚炳坤題松明懷古圖
五斗同邀向海濱十年幾度得相親忽逢小照呼荀令
便擬披襟飲瑾醇筆欲生花輕在手泉如飛瀑冷於人
可知露頂長松下無復軒車拜望塵 浙江姚世杰題
松明懷古圖嘉樹葱蘢色可餐公餘長坐此盤桓分明
愛煞栽松者吟詠風流總一般 山陰趙嗣題松明懷
古圖蘇公遺跡號松明賢令常深望古情飛鳥自知鳥
作伴彈琴應與鶴同清簿書向不勞仙吏桃李今番種
石城暇日登臨吟詠處如聞長嘯鳳鸞聲 廣州司鐸
陳英略題松明懷古圖憶別琴堂思倍縈披圖相對儼

生平雲開霽月心同白霜老寒松節並清靜聽笙簧如
瀑響笑拈彩筆覺花生公餘只有長吟詠贏得絃歌滿
石城 胡汝楫題松明懷古圖風度委蛇退自公攜來
一卷坐芳叢訟庭無事消長晝靜聽松濤萬壑風 張

案宋史紹聖四年徙翰林學士蘇軾昌化軍元符三
年復徙廉州據海南集和歐陽晦夫詩注云六月離
儋七月至計當日途經零綠時甚倉猝則書院斷
非坡公所自建矣海濱傳云東坡曾構書院於此恐
未必然

舊書院在縣治東隅康熙五十年知縣孫繩祖遷建即今

行署 蔡叔度松明書院勝蹟紀石城松明書院宋學士
蘇東坡所建也余素慕之癸亥春選授石城司訓
私幸薄宦其地將見名賢勝蹟且暮遇之及至石訪之
諸生俱以荒遠對致不得即過松明而觀所謂書院懷
滋切矣邇奉文查修先賢祠宇書院則松明之勝有因
而至今未可知也茲署縣周公奉修邑志余共襄厥成自

念身入松明雖有待然得操筆為志其略有餘榮矣因
 紀邑貢潘鑑重建松明書院引宋文忠蘇長公累官
 翰林學士以建白忤當事遞謫瓊南儋耳道經石城獨
 見山川鬱茂松樹參差顧而樂之因解鞍暫憩日則倚
 杖吟詩夜則然松樹照讀寰宇記所稱松明書院是也
 世數百年院久傾圮雖有大雅騷人欲訪勝概而僻在
 海濱馬跡屐齒類弗能及我邑侯開原孫公蒞任十載
 政通人和百廢俱興念此名賢過化之區文教所關遠
 而委之草莽何如近而復之都邑詢謀僉同卜基治內
 東台山下捐俸鳩工構復書院三棟樓閣庶廊煥然聿
 新落成之日聯額詩歌琬琰燦列向之人士不獲觀先
 正芳踪者今則如親道範誠洋洋大觀文敷振興之一
 會也予職甘舍此安歸用是不揣庸陋周顧續貂敬
 和照錄於原並賦一律以紀盛事云 孫繩祖重修
 松明書院卜築詩名勝開筵容頽荒四百年曾無人往
 復空有水潺湲虎嘯風生樹龍吟浪拍天我來尋故址
 人共指荒烟欲作曩時構其如此地偏黃君懷古蹟蘇
 子得薪傳大義歡欣赴鴻基慷慨捐為屏道傍論卜築
 安賢 又鳩工詩祥開黃道日勝關三台陰舊院恢新
 構成城合眾心解囊多士集趨事百工臨明瓦來鮫室
 翹材出鄧林一時聲橐橐百堵佗森森信是流芳處終
 當嗣好音 郡侯王際有松明書院詩欲尋蘇子跡策
 騎入松明山儼峨眉秀泉同巫峽清烟雲留墨瀋風雨

隱書聲廢院無金馬芳名永石城 邑人黃堡題松明
 書院用坡公韻眾卉驚秋落孤松耐歲寒枝分太乙火
 清光射鳳鸞花吐頰龍珠垂垂自作團芬馥隨風歇空
 谷友芝蘭誰伸空中手快轉八角檠賴有傳薪人俄悲
 古蹟殘建院植青松復黍離嘆豈獨蘇夫子芳名未
 有闕 釋古潭賀新建松明書院詩百里遙聞絃誦聲
 三台瑞靄映松明一時盛事傳仙吏千古文風振石城
 雲擁高峯多聳秀橋橫長水自澄清堂成此日人瞻仰
 重見眉山面目生 孫繩祖和印月僧詩最慚作吏務
 虛聲直道斯人眼盡明勝蹟爭憐叢徑草新模共喜壯
 山城龍鱗已植雙株秀甘醴行流一鑑清院宇初成高
 唱入揮毫和韻話無生 臨高令樊庶題松明書院詩
 三立皆不朽得一垂千禩宋有蘇文忠才名震天地獨
 以氣節高遂為同列忌遠竄志益堅松明建荒裔歷久
 失舊址斯名空載誌孫子乃偉人後先與同志捐俸市
 高壤鳩工重建置題詩深仰止因之索我句回思公北
 轅宋事猶堪恃可憐南渡後國是日凌替傷哉少帝昂
 葬身魚腹笥匡門無趙土書院有文記可知賢哲人歷
 數同關係 邑廩謝嶸題松明書院詩一從昌化再遷
 官徙倚海濱嘆路難院結南廉文未喪心懸北闕夢偏
 寒當年撤燭人何在此地然松夜復漫說萍踪成往
 事眉山片月映羅山 錢塘徐喆松明書院落成詩離
 黍松明數百年一燈紅炬接薪傳快攜鼓吹開文席散
 作笙簧入綺筵虛閣碧清消瘴氣好風綿軟養花天栽

成桃李公門近肯讓鬢蘇獨自仙 邑庠梁沛松明書
院詩坡公海外投荒客照讀曾燒嶺上松劍履久悲湮
石井樓臺重喜建花封知心同調當軒得懷古憐才間
世逢冠絕似眉山隆祀典野蘋香處綠醪醲樓臺新築
舊傳名絕似眉山隆祀典野蘋香處綠醪醲樓臺新築
景忠貞謾誇蓮炬歸金馬贏得松光照石城四百年來
懷古者振興誰似我公情 國學曹信詩新城院宇接
三台舊有名儒寄蹟來宋室已無容諫地瘴鄉空老濟
川才松明遺址餘芳草石井流泉長綠苔不是賢侯能
復古誰興文教振蒿萊 邑庠黃色正詩十載春光滿
石城眉山道範宛如生井泉久撤烟霞冷松火重吹日
月明宋代詩歌留古韻羅江絃誦記新聲斯文知已千
秋事夫子而倍有情 湖廣副貢劉自任詩一臂能
將講院表斯古賴扶持新楹喜看黃雲鎖多士爭
賡白雪詞萊竹栽成樓鳳節青松種就卧龍枝薪傳又
是傳薪日再世眉山更白眉 邑庠林翹春詩有節高
千古無端逐遠方孤忠標海外勝蹟煥羅陽松點三更
火名垂百世香吾師新講院令德共流芳 國學周元
熙詩八家文采萃三蘇處約如公更合符檜撼風雲春
已古松然昏夜院成區誰從遺蹟尋流宦獨向炎陬仰
大儒翹首鑄金新道貌好添佳句詠方隅 邑庠蕭碧
芝詩海外當年識大蘇院開此日喜同符三台砥柱環
千岫百雉凌雲耀一區火照松門留古蹟日高臺榭奉
真儒悠然領略眉山意道學風清振海隅 邑廩黎正

詩投荒姓字共稱蘇講學而今志亦符傍海孤燈誰繼
照凌雲新院自成區偶因麟絕懷先輩更作薪傳待後
儒從此絃歌應不絕悠悠千古識廉隅 郡庠梁濟詩
坡仙宋代擅雄名去國離家到海瀛翰墨餘香流石井
講堂重構煥羅城闕開亘古崇文地興起斯文尚友情
異世同揆賢不讓千秋共頌兩先生 邑庠鄒士宗詩
曾撤金蓮照玉堂忽從瘴嶺發奇光快攜蠹簡消塵悶
間燒松枝耐夜長石勒任埋芳草徑燈傳遠接舊羹牆
蘇門應是眉山派瀟灑風流兩擅場 邑庠鄒君亮詩
仙才強半受文魔不合時宜春夢婆帝眷寢衰投海國
臣心倍凜壯 河荒村氣靜敲詩古昏夜然松讀史多
經宿芳躅今在重新應識舊東坡 邑庠龐致光詩
忠賢到處有芳名海外坡公莫與京松火光搖行樂處
石泉流出詠歌聲孤踪一過垂青史勝蹟千秋耀石城
羨我神君能尚友羹牆恍若見先生 邑廩龐正先詩
先生夜讀然松處曠世重興澤更長溢海源泉流石井
凌雲臺榭鎮炎荒千年蔡火新生色萬里眉山遠接光
從此論文高宋代翩翩麟鳳集宮牆 龐際元詩重遷
院宇喜初成鳥革翬飛煥石城汲井難分新舊味然松
洞見古今明謾言曠代多芳譽好聽窮簷起頌聲長白
眉山同秀色文章事業共垂名 邑人江南桐詩復古
松明院新楹隔舊鄉流清環北郭嶺峻繞雕牆氣接三
台秀風開六桂香坡仙名不朽繼起賴孫陽 范明卿
詩坡公遺蹟著松明院建城東喜落成徑闢台雲新地

脈閣餘風月舊書聲照紅色映琴堂古流韻音餘絳
帳清振起斯文同不朽雅歌我亦廁羣英 張志

照紅堂康熙五十年建孫繩祖遷書院於縣治東隅其正

堂額日照紅今廢 孫繩祖照紅堂初成詩千載風流仰
大蘇喜看講院復元符名垂海外無

雙客勝占天南第一區自昔松燈成獨照於今薪火接
諸儒堂成竟欲凌雲表燕子翩翩舞四隅 臨高令樊

庶次照紅堂韻詩當年遺蹟付樵蘇賢宰經營勝自符
林色乍疑開寶甸畫堂爭似出神區千秋俎豆尊前哲

百代文章起後儒盛事即今歸紀載羅州誰說是偏隅
邑訓導李捷次照紅堂韻詩秀奪眉山首大蘇曠觀

宋代幾人詩 燈自昔歸深院松火而今照遠區翠岫
雲連新氣象 樓風挹舊名儒斯文振起真同調勝蹟

重光謝建隅 蕭山何倬炎和照紅堂韻詩使君應是
再來蘇別有風流驗左符三代松楸悲隙地一朝講院

復名區照紅映起縹緗業流韻擗開章句儒最喜落成
詩賦集子舟載滿賦荒隅 邑貢潘鑑和照紅堂原韻

詩宋室名賢推大蘇使君景仰恰同符快將過化存神
地復闢崇文宣化區炳煥元燈開後學琳瑯道脈繼先

儒落成堂構然松照四壁圖書映海隅 又照紅堂詩
坡公直節抗龍鱗策蹇行吟瘴海濱院廢三朝憐勝蹟

堂成百日常前身長將禮樂開風教豈獨文章重逐臣
多士集來紛獻賦克施我獨頌君陳 邑貢楊懋新詩

大家文字久宗蘇書院新開合舊符道起頽風傳盛事
蹟留炎海作名區欣崇俎豆祠先宦喜肅衣冠拜宋儒

撤燭當年情已異卻教松火照方隅 邑貢陳自傑詩
噴噴松明頌大蘇庀材誰計復元符劇憐學士留芳蹟

自有神君毓秀區坐對白雲追往事閒披青史景先儒
講堂重闢千秋勝從此新聲遍海隅 邑廩陳璣典詩

層樓高築奉鬣蘇先後松明總合符渺矣烟霞遺古蹟
美哉翰奩奠名區宋儒不及見今治今治增輝比宋儒

松火代更懸碧落觀光日起向東隅 邑庠黃熊飛詩
松明勝啟長公蘇落襟懷孰合符故址那堪同跡削

楷模且喜出 區千秋器宇師前輩百代文章景大儒
遼海眉山傳 脈生才原不別方隅 邑庠李色美詩

豈獨文章重長蘇分明心跡默同符然松志不違終食
諫草名堪振八區曠代芳踪憐廢址斯文興起賴真儒

三台鎮日聞歌頌風雅
從茲播海隅 張志

流韻閣康熙五十年建孫繩祖重新書院又於院後構一

高閣名曰流韻今廢 孫繩祖流韻閣初成詩高閣憑空
瞰海天就中恰好寓神仙風流誰

似東坡叟跨鶴重來五百年 燒松載詠松明詩海嶽
襟懷曠世思燈火一龕新照眼悠然相見嘯歌時 四

壁虛明氣象新焚香好酌羅浮春謫遷海外知多少祇
奉眉山一介臣 臨高令樊庶次流韻閣詩一望凌空

石城縣志 卷三 建置 古蹟 亭塔

接遠天曠懷何處不神仙孤踪特達成千古久廢重興
足萬年綺閣憑空好賦詩肅瞻遺像寄遐思推窗靜
對三更月彷彿松明徹夜時四百韶光此復新流風
餘韻霽然春即今海外猶如此堪怪當年笑逐臣
人王臣貞流韻閣懷古詩台雲繞閣入簾櫳宛坐眉山
第一峯不耐颯風搜雅賦編摩老幹續秦封然松夜讀
書聲古汲水泉流墨瀋濃况復再來
尋舊蹟院成羅水起潛龍
張志

亭塔

亦可堂在縣署內舊觀近陋知縣孫繩祖為更爽塏監匾

於堂

孫繩祖可堂說曰官舍至石邑隘矣由大堂而
晉堂僅馬更諸爽塏而隘其地不更則隘其身
有時理民情於斯則隘其政前已有扁此者予易之曰
亦可堂有疑其鄰於諱有怪其失之矜諱者謂斯固不
可以堂名而不得謂君子居之何陋之有是亦可以堂
能辭其名矣矜者謂君子居之何陋之有是亦可以堂
也蓋大其可之之詞予愧無以副其實矣二者烏知予
亦可之說哉以予之學問才識不逮中人竊祿以來求
所謂有裨國計民生無一可者惟此敬謹之意嚴以自
持不敢以一切瑣屑煩瑣以擾吾民竊有懷仲弓氏之
學居敬而行簡以臨其民不亦可乎因以名吾堂俾顧
諛如臨師保聊以擴吾之心胸也若夫為諱為矜則吾

豈敢
張志

知稼亭在縣中峯下明僉事黃澄建
郝通志

聽松亭在署東舊名知稼堂乾隆四十四年重修額曰聽

松

孫繩祖知稼堂述自並耕之說出異端將挾以亂君
臣之分不有孟氏起而闢之將大君且不免手胼足
胼與民均稼穡之艱况其下乎雖然並耕不可也夫
稼穡之艱亦不可也予承簪纓之後昧於五穀之分夫
既不能分五穀則五穀之所以勞民力者其茫然罔覺
概可知矣王春黍泄石邑入公廩之東軒坐而眺焉
山光海氣麥浪村烟紛綸彌望不禁神怡而懷舒因題
曰作濠濮間想志曠也既而循行阡陌審視耕耨見夫
荷鋤扶犁不遑甯處者農夫之勤也沾體塗足載飢載
渴者農夫之苦也較晴雨而額蹙籌早澇而眉顰者農
夫之憂也形瘁矣而耘耨不容少弛力竭矣而荷擔未
能或卸者農夫之困也退而歎曰稼穡之艱若此哉年
以積日以深因而知稼穡之艱每當燕處東軒眺望東
南其畝惟吾民之勤苦憂困在念舉向之所謂濠濮間
想絕然其不作矣辛卯夏重修松明書院因憶台山之
上舊有知稼亭竊亦欲復之而未克爰額東軒為知稼
堂遷舊題五字懸於前以志吾後先之異情焉登斯堂
者幸勿晒予前之想非所想庶幾念予後之知所宜知

可也乃作知稼
堂述 張志

平倭亭在東門內為明分守道李材臨縣平倭建

南京刑部郎中

莫天賦平倭記石城治鄰西粵介於雷廉邑小城瘴山
半於內而民居稀渺素不習兵有警鮮克為王敵穰者
辛未冬倭奴煽熾陷電白攻化州而石城孤危之區莫
不累卵視之中外懍懍莫必其命城之攜維扶老者累
累去矣命憲李公亟移憲旌會總戎張公元勳參戎陳
公豪兼程而驅灼文武之勇而謀者拔之精卒命下士
卒先登有功者賞不則罰之戈矛戾止民罔釋騷檄所
屬先守後戰劫堅銳之士從間道以援石城倭果攻犯
城下守後戰劫堅銳之士從間道以援石城倭果攻犯
賊遂奔潰城以全公又親督戎兵直擣於雷旌幟頗多
向倭奴望風披靡一鼓而捷於外村再鼓而捷於調排
村三鼓而捷於那里社復追至於廉之息安草薙而禽
蒐之靡孑遺矣且嚴諭所部毋收俘獲毋擾民財料敵
合變制勝安民蓋將有神武而兵無血威仁義兼濟公
浙閩數十餘年自督戎以至長吏罔不動蕩蕩平之策
甚至借力他省方以威定而成功今公舉數千之虜而
殲除之一旦巍功峻績詎不異而神哉循嶺之西暨海
之北頌公更生之賜者永與銅柱而銘矣石之士民德
公救城之恩代石志之請予為記余昔家居朝夕獲安

枕者藉公賜也兼叨年誼遇不辭而記之余觀召虎之
征淮南而江漢之詩以興李愬之平淮西而方城之雅
亦頌西平公之德意即尊翁大司馬公典贊機務勳著
廟堂奕易未艾公起而繼之除巨寇以雪一方神人之
憤拯百萬生靈之命又將以濟美並稱功業之煥信有
自夫矧公之汎防山海整飭政教功德之入人尤非俚
言所能悉記也特因石城之請而舉平倭之大者勒之
於石公諱材字孟誠別號見羅江西豐城人也 郝通
志

案漢書地理志樂浪海中有倭分為百餘國倭國傳

稱徐福以童男女數千止此洲瀛寰志略云華人人
倭自徐福始又顧亭林天下郡國利病書云倭奴隣
三韓而國故名韓中倭後自惡其名更號日本即今
東洋之日本國也考明通鑑洪武間湯和築城備倭
嘉靖間俞大猷督兵破倭平倭之功史書不絕我邑
志亦載平倭按事紀則云隆慶五年倭寇陷電復分

一隊犯石六年李僉憲乃率兵剿平倭患始息不會
言倭出何國據此則前明被擾者當即日本而斯亭
所建亦當在隆慶朝代自不必疑

遺愛亭在縣署門左為明知縣謝璿建今廢郝通志

旌善亭在縣署頭門外左今廢張志

申明亭在縣署頭門外右今廢

去思亭為項汝廉建今廢俱同上

啟春亭在縣東一里明知縣鄭伯正建阮通志

接光亭在東關外東聖禪林右康熙四十四年知縣孫繩

祖建乾隆四十年知縣喻寶忠重修改名賜雨嘉慶二

十年知縣蔣廷幹續修但制度卑隘盡失舊觀近日迎

送官員多在於此故又稱接官亭孫繩祖記邑有東聖禪林舊稱最宜於邑

顧予意禪林之外最宜亭亭畔有沼最宜蓮三宜具而
後三稱快乃究未有亭之蓮之者則真負此禪林矣乙
酉歲始命僧亭爾於茅蓮爾於沼僧幸如約既亭且蓮
予偶饒客憩此花明水秀亭幽香集顧而樂之因賦四
顧山光接水光之句然此僅取快一時未能垂遠也為
憶前賢諷諫之言以反為之則不漏而時僧無之合什
而前日永此則歐之醉翁蘇之喜雨不是過矣余雖愧
弗克當第念歐之何以醉蘇之何以喜竊有志焉則永
此以誌吾志亦事之無害於義者爰出金粟倡之三
同志和之不足則僧無之補之未匝月告竣僧以名請
題曰接光亭取前所賦句猶夫意不在酒在夫山水
之間也若夫一行作吏何以宜民何以宜俗俟之後賢余
宜僧若乎未之或宜則行且自負矣庸詎負此三宜云
爾哉學使李調元題賜雨亭詩我昔過此亭空梁吹
欲倒我今過此亭畫棟初完好我與賢侯文章友吏治
堪追玉局叟喜雨亭繼賜雨亭兩俱不愧民父母賢
侯愛民如嬰雛得雨甚於玉與珠不信試看綠雲匝四
郊譜出豐年圖池塘如鏡寫龍鱗幾回秋去幾
回春獨有此亭能萬古青山閱盡往來人張志

迎暉亭在東關東岳廟左即接光亭故址也光緒七年知
縣蔣廷桂重建採訪

挹爽亭舊在西街嶺下知縣聶爾康建光緒七年知縣蔣廷桂移建西關街口

魁星閣在城東南隅康熙三十七年知縣劉文煥建四十八年知縣孫繩祖重修乾隆三十五年知縣林虎榜增

高合祀文昌魁星二像今止祀魁星

孫繩祖文奎合祀記嘗聞湯禱桑林

孔禱尼山古人先我而行之祀神曷可虛廢特非其鬼而祭之則為諂若問農而祀稷龍門而祀禹亦其所也石城舊有文閣閣明萬歷時郡司理蕭公邑宰何公就西墟射圃建閣閣後圯前令劉君移創西墟外復於城東南隅建樓祀奎神其興起人文之意猶之祀稷祀禹也而科日仍如晨星似乎祀而不應矣於是邑諸生相率而請曰二神皆司文衡不宜分祀予曰諸生特患不能事人耳奚容事鬼且君子求諸己而已而諸生乃復請曰惟理與數周滿法界公言理也生等言數也數與理合並行而不相悖余笑而是之第以若所言移文昌合於樓或移奎神合於閣是得一失一不廢樓則廢閣矣余意兩全取沈檀而金碧之另模兩新像位文昌於樓南位奎神於樓北既而不拒諸生之請亦不泯前人之蹟巍乎二神南北相望譬猶周召二公東西分陝夾

輔周室監於二代以成郁郁之文詎不休哉自今以往多士拭目以俟二神之比於二公可也是為記 張志
光緒十四年二月知縣蔣廷桂暨邑紳遷建城牆卯乙

方採訪

連魁塔在邑南龍頭山離城七里為縣署學宮案山乾隆

五十九年知縣閣曾步訓導胡珽邑明經全恕李在公

職員黎紳捐貲創建高五霄內祀五魁星額曰

五魁塔嘉慶十六年改額為連魁內止祀一魁星並撥

牌樓柱租錢六百為廟祝香燈之用

孟津閣曾步連魁塔記塔鎮一方也

亦謂之文峯以其形如文筆聳然立也凡郡邑皆有惟石獨無歲戊申予蒞茲土心竊疑焉未幾於役滇南越五載乙卯言旋則都人士業相地卜吉於城南麓創為此舉一以點綴夫山川一以作興於士類甚盛心哉予嘗思夫石之為邑也環山濱海近則望恩謝建鞍山崎嶇諸峯四圍聳峙遠則文鳳秀列天表那樓筆勢干霄謝鞋東聖環拱擁翠石門籠山砥柱中流宜乎家絃戶誦人文秀發乃考其乘志則明初時李運使即以進士

起家實開風氣之先楊編修以博洽繼之而高中書龍
吏部亦藻榜崢嶸後先輝映登賢書者三百年間絡繹
不絕且永樂榜一榜而六士同舉於鄉即我朝前此
六七十年間則龐貢士喬梓獲馬進士則黎部郎更以
省試第三入捷南宮聲滿都下何至今而風氣若殊哉
意者山川有靈亦藉培補始克久而弗替歟且夫形勝
之說自古有之聖人不明示後世懼墮人事也然則人
事豈非先務乎古者取士於鄉有州舉里選之法或遂
以士重實行不貴文藝予謂文章經濟並無二理鄙魯
不文之人豈有光明俊偉之行顧予子弟之率必先父
兄之教繼自今而為父兄者其各訓乃子弟勤積所學
勿躐等勿龐雜勿欣於小成而卑隘其志量於聖賢之
書必求其極自得日就月將亦如茲塔之層累而益
高焉登峯而極焉醞釀深醇發為文章而經濟之實
亦寓於中則雖風氣且不可得而圖况山川之靈積而
彌厚者哉將見蟬聯簪纓媿美前賢入可為士林楷模
出可為王國羽儀以無負今日此舉予司土吏實心焉
企之也已工始於乾隆五十九年九月戊午日訖工於
嘉慶三年二月十三日是役也鳩工庀材不惜勞費都
人士之力而相其山川形勢則前司訓胡君克贊其成

志張

迴龍塔光緒十四年二月知縣蔣廷桂暨邑紳建西街嶺

頂庚方採訪

文閣在安鋪墟之庚方高三層上祀魁星經監生陳恭秀

督修

宛在軒在城內東南隅黎戶部所建軒在水中四面活潑

因以活潑潑地顏其額並以水流花放誌於聯云宛在軒詩

軒外環池也城紅塵隔斷水盈盈有時夜靜同魚樂

一葉浮空起日明坐對青山面碧池此中真趣有誰知

惜字庫在馬鞍山巔為藏瘞字灰之所張志

坊表

聚英坊在城內四街之中東曰翰苑為翰林編修楊欽立

北曰省郎為戶部郎中李澤立西曰身史為山西道御

史黃充立南曰六桂為永樂戊子科同榜中式舉人李

儁龍德輝李殷禮禰昭何清全有志六人立後曰叢桂俗稱為四牌樓歲久傾圮康熙四十七年知縣孫繩祖捐俸重建乾隆三十一年知縣景德添修五十一年知

縣王誥續修祀文昌神像於上額曰文昌閣孫繩祖重修

記坊者何紀盛也凡薦於鄉捷於南宮與世之節孝者皆得登坊以旌之石城僻在海濱當勝明永樂時有六士並登賢書建坊縣城四街中額曰六桂繼起者曰翰苑曰省郎曰身史聯翩坊表噫盛矣其復改額叢桂又更聚英至一人英無異稱餘則忘之矣是坊也歷今三百餘年時異興換永樂銅駝已在荆棘中而數柱雖朽懿蹟猶存弔古者嗣而葺之亦固其所戊子歲予乃奮然鳩工始於戊子臘月至次年正月落成其規模較舊制益闢敞峻拔計費七十餘金予捐俸六十兩餘則邑之紳士相與樂助其材木多係孝廉曹俊義助例得並昔杏壇聚英三千速肖者七十四科者十人多士其知所聚而勉為英則石城而鄒魯矣豈徒紀六桂諸賢之盛已乎因仍名聚英子特書之而併表其名於上六桂為誰李諱儁龍諱德輝李諱殷禮禰昭何諱清全諱有志翰苑則編修楊諱欽省郎則部郎李諱澤身史則

侍御黃諱充也張志同治二年重修閣下四柱易木為石又增高五尺探訪

案坊表見郝通志者聚英一坊記載綦詳此外若親民迎恩祐善安甯安民安壽萬壽諸坊通志雖有其名然不知所在仍存其疑

興賢坊在縣治橫街十餘步舊學左右今廢張志

育才坊今無考府志

羅州坊在縣治屏牆外街口康熙四十年知縣孫繩祖建

孫繩祖羅州坊記壽鳥書予素不閱惟其弗閱所以弗信在昔公劉遷幽壘父遷岐初未聞有形象者為之擇地也且最盛者曲阜之堂與天地同悠久亦未聞有郭璞廖金精楊救貧諸老為卜宅兆而當時諸聖賢陟巖在原默符陰陽則豈非在德不在險哉丙戌冬有客過子署津津談天星理氣亦是好竿而鼓瑟也顧子素性難更而容復喋喋不已且曰公何膠鼓之甚警諸射覆射而不中拒之未晚余諾之叩其所以客曰縣治門外

孔道如水奔放砥柱無存則善氣不疑宜建一坊以遏
之言適中鵠且與予心相合爰卜吉營造不一月而成
額其上曰古羅州數年來四郊無虞婦子盈甯自顧吾
何修而得此亦未可謂非坊建之功也乃或有訝余前
非而後是者余曰小碑豎碑射桓佐桓豈兩人乎且建
坊利民業有成效後之合此者相形勢猶將首肯容言
而况予始事哉因為記其事
以告嗣而葺之者 張志

義勇可風坊在東墟尾東聖禪林左咸豐元年 賜進士

出身知高州府事前翰林院庶吉士刑部郎中律例館

提調胡 團練建 訪

貞節坊 一明正德閒知縣黃誥 當作 為全祐妻黃氏建

後知縣凌位請給官銀修之 參府 一道光三年知縣

李憬會城內紳士為胡懋仁妻陳氏建 在東關外東聖

一道光九年為黃熙正妻黎氏建 在東關外東聖

一道光十八年為李卓東妻劉氏建 在安鋪墟

節孝坊 一乾隆八年 張志節孝傳 知縣王灝為庠生李

仲妻彭氏建 在忠義 一乾隆八年知縣王灝為庠生

李恆郁妻伍氏建 在彭氏 一乾隆十年知縣魏綰為

黃雲肇妻莫氏建 在赤 一乾隆十年知縣魏綰為庠

生陳堯思妻曹氏建 一乾隆十二年知縣李瓊林為

蕭石 建 一乾隆十七年知縣王振統為增

生吳捷春妻黃氏建 一乾隆四十一年知縣喻寶忠

為羅天輔妻謝氏建 在城東 一嘉慶六年知縣李澧

為庠生曹爾猷妻林氏建 在青 一嘉慶十七年知縣

張廷幹為陳欽虞妻李氏建 在城內 一嘉慶十八年

知縣張廷幹為陳瑁妻黃氏建 在良田村 一為龐振

坡妻鄭氏建 在大 一嘉慶二十四年知縣張為武生

文為光妻吳氏建在大車坳 一為武生黃德齡妻吳氏建

一為羅集成妻林氏建在石嶺墟門 一道光二年知縣

李憬為曹爾昌妻鍾氏建在息安墟 一為劉傳醇直妻羅

氏建 一道光二十七年為莫汝敬妻林氏建在譚福後嶺

一光緒五年為曹克權妻揭氏建在山心村已上採訪

孝子坊道光元年知縣事李憬為千總職黃華略建在酒店村

參諸冊採訪

百歲坊 一嘉慶四年知縣閣會步為林翰舉一百四歲

建在長山墟張志 一光緒五年知縣鄒翼清為例貢蕭平

章之母全氏建在青蔭橋採訪 一光緒十五年知縣蔣廷

桂為生員龐大經妻盧氏建在大路墟同上

名墓

宋主簿羅廷玉墓在邑西紗帽嶺離城六十里採訪

知縣羅嗣宗墓在邑西皇嶺離城八十里同上

廣州總管羅國佐墓在邑西名教嶺離城百五十里參張志採訪

案羅總管張志紀代從元考列傳作宋季郡志職官

表依郡志改正

元雷州路同知羅奇墓在縣西百二十里土名象牯嶺採訪

舉人石城縣縣尹黃昱墓在縣東南二十里木威林黃府志

都元帥忠義羅福墓在洋下獅子嶺同上

明編修楊欽墓在化州琉璃菴東一里石子嶺參張志採訪

御史黃充墓在上縣村後高峯左蟻子嶺參阮通志採訪

中書高魁墓在成七都西山鎮峯嶺經龍吏部重修參張志採訪

運使李澤墓在城東三十里石鼓灣大嶺

國朝

戶部員外郎黎正墓在縣西二里河村子墩俱同上

寺觀

東聖禪林在城東關外萬厯元年民創一間內祀北帝號

真武堂廢十六年知縣劉文煥復於堂後拓基建

殿閣僧房招無之僧住四十二年知縣孫繩祖捐俸裝

塑如來祀佛於閣匾寺門曰東聖禪林邑令孫繩祖東

琴堂事何妨竹院來談禪揮塵尾入社醉螺杯放眼窺
蒼狗科頭坐綠苔等閒消俗慮欲去且徘徊 吉安劉
繼禮東林僧話詩退食優游鶴與琴更乘清興到東林
幽禽脈脈參空諦碧沼澄澄印此心笛弄晚聲山徑曲
塵揮雲影草堂深坐來莫笑虎溪月且放淵明酒滿斟
又次東林僧話韻茂宰公餘日尋閒此載來烟雲生

綺席笑語逐霞杯孫繩祖新竹看花踏古苔卻嫌歸駕
促勒馬重徘徊 含生五穀豐登方保兆民允殖茲者春光九十雨澤既
已愆期夏令經旬未耜猶然莫展祥雲方合忽離散於
而星明氣將騰又無期幾番蒿目慮西成之失望曷禁
愴懷敢云天鑿未周不恤一方之疾苦實由吏德涼薄
以貽百室之憂虞也敬介羽士以結壇齋心致禱虔率
僚屬以悔過稽首干恩伏願箕畢交臨雷雨作解酌天
瓢而倒注嘉植盈疇翻溟渤以宏敷甘露遍野既沾既
足即看年穀生如茨如梁式副千倉之積爛茲哀憫
錫以有年乃者驕陽為虐千里飛塵布穀空啼百嘉未播一望郊
野焦枯之象堪虞四顧氓黎愁嘆之聲莫邊設仙壇而
集羽士求之弗靈叩龍門而率同官呼之罔應下吏失
職負罪難辭小民無辜載生是籲必清淨復結壇於
東聖禪林惟恪惟恭我農夫理疇而播嘉種臣心靡極
溟渤而瀉恩波惠我農夫嗟農人未事於西疇夏心
天鑿在茲又春光已去嗟農人未事於西疇夏心
新祈天意垂憐乎東作三申蟻悃百叩鴻慈竊念某心
徒切於為民德不可驅乎旱魃吏不職則罪坐於吏民
枯經月飯誠陰雷莫驅乎旱魃吏不職則罪坐於吏民
復何辜天好生則恩出自天澤胡弗逮惟此一方百姓

荒歉斷不能捱特籲萬聖千真斡旋早為之所考時已過必油然沛然始可滋生望眼欲穿非兩點三點所能濟事民情孔急復結法壇於三台帝命不違期灑馬鬣於一瀆伏願大施汪澤迅解倒懸惠我田疇得肆耕耘之力保茲黎庶苟免饑饉之虞
蕩蕩難名巍巍永戴 俱張志

玉皇殿康熙四十八年知縣孫繩祖捐俸創建於東聖禪

林佛殿之右

常住租米 一陳汝琴林晉生送糧米六斗九升九合七勺三抄在純八都八甲楊明戶土名坐落桐田插花等垌一貫受領汝琴林晉生田米一石在純八都八甲楊明戶土名田插花等垌一崔宗亮叔姪送塘一口載米一斗在豐三下都崔宗亮戶坐在本寺門前一田米六斗八升在縣五甲陳敬通戶土名坐落景山村插花等垌一田米二斗零三合在豐三下都七甲崔秀賦戶土名青草墩等垌一田米二石九斗七升在純十都十甲黃健餘戶土名江邊村插花等垌已上征米共五石六斗五升零七合三抄立有僧戶際乾自行輸納奉免差

孫繩祖玉皇殿記嘗聞陰陽二氣塞乎兩間則為天宰天而治則為帝二氣之功用則為鬼神禮天子祭天地諸侯祭境內山川則宰天之帝非天子不敢祀石城儼然模帝範而像於鎮龍寺僧矣寺圯寄奉於東聖禪林則又衰余牧斯土夙夜圖維求所以不僭不褻者乃於佛殿之左架間為三祀帝以僧房為輔弼復構獻庭於前環以欄位置煥然或可告無罪於褻帝宰天而治世之治必由乎天治亦治此理之必然祀之上以護國卜萬年之有道下以庇民北四境之昇平上安下全或可告無罪於僭無僭無褻而天帝始至尊無上明有體也若夫玉皇之號經史不載出自羽流所謂六合以外存而勿論可也 俱同上

鎮龍寺在兩關外明萬曆三十年知縣凌位建立碑紀事

年久傾圮 邑令凌位建鎮龍寺碑記石城界在嶺海山建山襟遶羅水自昔西關外補缺障空三台列翠時民物康阜六桂聯芳鳥奕於永宣間洵堪輿云關門固鎖則俗美文興迄今風氣文運視昔不逮咸以為係之山川關鎖未固歲萬歷壬寅春予奉命出宰是邦受事以來夙宵惟是無裨地方學校滋懼日與廣文鄧君鄭君張君清籍問俗釐弊勅法課題修祠漸以振起為任而士民僉咎西關基傾水卸謀以古西華地建寶刹為祝釐之所以障其流具狀徵余余咨嗟重嘆之曰是予治教無狀也於地靈何尤且福利未覲徒費財勞民果足裨乎亡何會一儒生具道廣州明興二百年來再建浮

屠以鎮水口一時邱梁倫霍蔚然崛起培地紀發天綱以炳人文驗若左券茲觀音閣之建無亦倣浮屠之遺意也敢徵四君之靈為我侯請豈直一時百年將拜明惠之賜不佞自幸得身為下邑率苟可為斯文暨前予敢愛尺寸不以慰爾多士首捐俸倡之而耆老徐建綱龍貞等欣然義舉釀金有差遂鳩工掄材鞭石陶甃興作於壬寅季春落成於丙午孟夏題其匾曰鎮龍寺蓋地勢之蜿蜒屈伏游龍蟠焉非鎮若厥居則龍無所蟄故曰龍變無常能幽能章君子臨之放而霖雨六合卷而莫施其勞斯妙用所以不窮茲寺鎮於西關時借博學諸生矐然四顧煇煇環拱若几若障局鑰西流是不可儲富庶康甯之祐聚三台六桂之英乎乃進士民而告之曰若知地靈乎若知地利之不如人事乎禮義廉恥身之鎮也廩盈倉羨家之鎮也文章德業國之鎮也彼其繼邱梁倫霍而起者非漫無鎮定藉庇堪輿之勝徒屈道而伸術遠人而聽神哉則鎮龍者又石龍高涼之西鎮東粵之雄鎮也關係顧不偉歟後之君子幸嘉與保全愛護時修葺之豈非士庶無疆之休哉是為

康熙四十三年知縣孫繩祖重建題曰西華禪林邑記

孫繩祖重修碑記邑有鎮龍寺創於前萬厯間歲久傾圮余未任前有圖所以新之者邑人以寺於羅城興廢實關災祥一時釀錢四百貫貯於官造壬午歲余承乏是邑邑人數以修寺請及稽前所捐者則已名存實亡

矣余不禁悄然曰四百貫非少也一文民脂也為民上者將詔德塞違以照臨四境猶懼或失矧以好善樂施之物而概歸於烏有其可乎吾民有罪合且引為己愆慝由於上其咎更安諉耶於是擇日鳩工捐俸重建為之補罅塞竇不忍重勞吾民且欲有利吾民也雖然修寺以完形勝令之任也而修德以迓天庥則貴邑人之自為任夫父母之愛子也詩書訓習之外有時私禱穆卜乞靈於不可知之地無非願其子之吉祥善事也若為其子者以父母之私禱穆卜為足恃不思雪案芸窗求所以達天德而履休徵能析薪而弗克負荷伊誰之過歟邑人士其思盡人合天使民康物阜科第聯翩將遠邁前休庶此不負邑人士邑人士亦不負余矣工始於甲申之六月初八日竣於乙酉之八月二十一日寺凡三進僧房環布規制較舊加宏麗焉時住持僧福東甚摩放趨事各為其為亦足以觀其用心之美也題寺詩梵宮高敞鎮神龍鎖盡炎天秀色濃隔海青峯皆肅祖環門碧水盡朝宗鳥因獻供常棲竹虎欲聞經慣倚松自是儒林開勝槩好音脈脈報晨鐘 俱張志

乾隆四十五年知縣喻寶忠倡修同**咸豐九年知縣聶爾康捐俸續修改曰迴龍恢拓舊規為一邑之勝**邑令

康重修迴龍寺碑記石邑迴龍寺由來舊已攷所存兩碑記創自江右凌公修自三韓孫公堪輿家言護城河

勢汨汨西趨寺以束之庶水聚風迴俾居民秀而文壽
而富理或然歟姑不具論第孫公修後迄今百四十年
風雨漂搖日就傾圮若不及時修葺不無瓦礫之虞又
邑無龍神廟前任教公倡議捐建事不果行他如八蜡
泉劉猛將軍諸祀夙亦闕如其先農社稷兩壇則祠宇
久傾土基湫隘每有祀事皆露立更衣拜跪於雨淋日
曝之下甚非所以安神靈而昭祀典也丁巳冬余權篆
茲土邑人請攝松明書院講席書院隔河即斯寺也
竹影稍陰蔽虧迴互追念蘇長公松明夜火遺韻猶存
倘得稍飾勝區亦足使肄業諸生風浴詠歸時於此間
得少佳趣唯是履任未久卽值軍務迭興籌餉籌兵未
遑他務事平後寺僧裕豐募請稍葺葺治以濟目前余
間往一觀見棟宇欹衰佛容彫剝其他有廟廡者有
庫廂有庖者有庖者楹樑有追頤者植突有埃坵者連
窳有廣廟者垣墉有墟者階除有碌礧者因慨
然謂寺僧曰是非可以補苴爲也地爲合邑風水攸關
不可不急謀所以鼎新之以爲邑之人福顧需費甚鉅
締造維艱况當連年兵燹之餘民困財殫勸募尤非易
易旋與邑紳籌度靡不欣然樂從要亦皆以度支爲慮
唯局紳江君溫獨極力贊成而以勸捐督工諸事爲
己任余因首先倡捐百金并發印簿若干本交各鄉首
事量爲釀助又以前任教公移交擬建龍神廟之洋銀
百元附入斯寺以前任更張其從前祀典所缺略未備者
悉於是乎綜其成則所費省而成功速是亦因時舉事

之一道也議既定卽蠲吉鳩工其費則先爲稱貸以濟
較舊制爲美備焉寺凡三進進各三楹後座中奉佛
佛及觀音像左右奉伽藍壽佛像兩旁列十
八阿羅尊者像東西各建屋三間中間爲禪堂爲齋室
餘爲僧寮其東北隅之耳房爲香積厨對座祀八蜡
立像中座設先農像位左爲龍神廟右爲劉猛
祠而風雲雷雨山川社稷城隍之神及
將軍諸位粲然分列東西亦各建屋三間如前式東之
中爲官僚行香時更衣坐憩處西之中爲客堂其餘房
皆可爲僧寮會定之所羣庶悉繚以遊廊行兩日中無
所苦寺門左右列金剛像四門外蔽以屏牆周圍築長
垣亘護煌煌乎成巨觀矣今春正月之吉余與同城諸
君子詣寺瞻禮卽以落成則覓廟貌莊嚴金碧璀璨舊
時之頽垣墮瓦頓化爲梵宇琳宮今而後神獲憑依人
知崇奉庶幾哉甘霖應節年穀順成疾疫不興旱蝗無
害干戈永息科第聯登與佛門所謂法雨慈雲者胥吾
民所藉芘矣抑左氏有言先成民而後致力於神余泣
石年餘於所以足食足兵加富加教者諸多未逮何敢
言成民致力念自下車以來盟心自矢天日維昭唯恐
稍拂乎民卽爲得罪於神除害安良殫竭心力今幸綏
豐屢慶疆圉肅清絃誦之聲漸盈四境余心可質於神
而神之錫福斯民亦若有默相感召不知所以然而然
者茲余奉檄量移新邑行有日矣爰誌其崖略如此是

建置

寺觀

卷

役也候銓貳尹江君溫和實董其成內閣中書全君志沂總司稽覈而曉夜督工始終任勞者則軍功國學生葉東揚營弁麥秀枝實有力焉其餘分勸各董事以及眾善芳名則別有碑記在例不備書 採訪

甘露寺在豐二都銅鼓逕康熙三十年知府魏男捐俸鼎

建內祀觀音康熙三十八年署高州府何賦知縣劉文

煥復於寺後續建佛殿祀三寶諸佛張志今改曰蟠龍菴

採訪

護國寺在純十都常山墟張志

雲山寺舊名白雲菴在城西十五里馬鞍山前咸豐初年

建光緒元年重修採訪

白雲寺在城西五十里石岡嶂同上

龍山寺在城南四十里同治六年山主陳文源文煥楷行

倡建並撥田租十餘石以為祀費同上

長壽寺舊名觀音堂在安鋪墟同治三年紳商捐貲創建

光緒十年舉人陳炳章庠生馬兆龍州判陳洪疇監生

黃重豪等續捐增建後殿寺內司香向由紳商妥擇

普龍寺在純十都長山墟北十八里俱同上

清靈寺在純十都埤尾村採訪

清石寺在純十都石灘村

鎮江寺在純十都樟樹山水口 一在石水村

企石寺在純十都那蒙水口

鎮源寺在高垌水口

寶蓮寺在合江渡頭

福善寺在赤嶺村大社山

清林寺在山腰嶺涼亭村

福龍寺在永安鄉旺塘水口俱同上

迴龍寺在城北急水東岸渡頭離城十八里明宣德二年

梧村垌例貢劉畚建置租二十六石為修廟之資並於

施渡之項遞年另撥銅錢八千歸廟以為祀費同治十

三年布政司經歷劉士端將廟租積理重建探訪

豐川寺在豐三下馮家撥地建寺一撥租五十六石一撥

租八石以為費又一寺在豐滿垌水口

仙人寺在塘蓬北二十四里大垌村之左

華藏寺在武陵東六里龍溪山麓

慶華寺在豐三上都坑背村

古特寺在武陵北五里俱同上

普渡菴在縣坊都塘貢嶺張志

風門菴在豐三下都

岑溪菴在豐三下都

青平菴在甯十一都

凌雲菴在純八都武陵墟俱同上

紫林菴即南橋菴在城南六十里探訪

石泉菴在塘蓬七八里仙人嶂之南

高嶺菴在塘蓬北十七里

白蓮菴在豐二都城南六十五里

藥樹菴在豐二都篁竹村俱同上

石坊縣志卷三
三

